

*Skupština daje podršku Kantonalnom uredu za povratak prognanih za njegov rad u skladu sa Aneksom 7 Općeg okvirnog sporazuma za mir u Bosni i Hercegovini.*

*Skupština će prioritetno i kontinuirano pratiti provođenje Aneksa 7 i pratećih dokumenata i predlagati adekvatne mjere.”<sup>18</sup>*

Takođe je donesena i Rezolucija br. 01-011-13-20/97 od 27. 1. 1997. godine u vezi s donošenjem arbitražne odluke za Brčko.

#### “*REZOLUCIJA*”

*1. Skupština/Sabor i narod Tuzlansko-podrinjskog kantona/županije neće moći prihvatiti ni jednu odluku međunarodne arbitraže koja bi se zasnivala na drugoj osnovi izuzev na pravdi i neoborivim činjenicama o rezultatima posljednjeg popisa stanovništva i genocidu izvršenom u ovom gradu. Pozivamo SAD, međunarodnu zajednicu i arbitra Roberta Owena da se udupru ucjenama ekstremnog rukovodstva srpskog entiteta da odluku zasnuju na pravdi i racionalnim argumentima koje je iznijela arbitražna komisija FBiH.*

*2. Uslov naše daljnje podrške Dejtonskom sporazumu je pravična odluka o dodjeli Brčkog onim Brčacima koji su se na Referendumu o nezavisnosti, apsolutnom većinom (sa 77%), izjasnili za opstanak u nezavisnoj i suverenoj Bosni i Hercegovini.*

*3. Dosadašnji tok primjene Dejtonskog sporazuma pokazuje da će Brčko pripasti svim Brčacima samo ukoliko ne bude pod vlašću srpskog entiteta.*

*4. Mi ćemo vratiti narod u Brčko po svaku cijenu, pri tome nećemo uzeti ni jedan kvadrat stambene površine koji nam ne pripada po zakonu, nećemo stati ni na jedan pedelj zemlje koji nije naš stoljećima.*

*Molimo međunarodnu zajednicu da nam u tome pomogne. To joj je obaveza koja proizilazi, ne samo iz principa demokratije, ljudskih prava i neprikosnovenosti privatne svojine, kojima se zaklinje, nego i na osnovu konkretnih obaveza koje je preuzela Dejtonskim sporazumom.*

*5. Skupština/Sabor Tuzlansko-podrinjskog kantona/županije će svim sredstvima podržati narod općine i grada Brčkog da se u skladu sa Aneksom 7 Dejtonskog sporazuma, bez obzira na odluku arbitraže, vrati u svoje domove i na svoja imanja. Međunarodna zajednica će dobiti razuman rok u kome će moći i sama da pokaže šta uistinu hoće i cijeni. Poslije toga učinićemo sve što moramo u zaštitu svog naroda i svoje domovine.”<sup>19</sup>*

### 5.3. Program rada

Donesene su i odluke o izmjenama i dopunama Poslovnika o radu Skupštine TPK, zatim i Odluka o utvrđivanju Programa rada Skupštine TPK za period januar - decembar 1997. godine kao i Program rada Skupštine Tuzlansko-podrinjskog kantona za period januar - decembar 1997. godine.

<sup>18</sup> Rezolucija br. 01-011-306-19/96 od 14. 11. 1996. godine, “Službene novine TPK”, br. 9/96., str. 202.

<sup>19</sup> Rezolucija br. 01-011-13-20/97 od 27. 1. 1997. godine, “Službene novine TPK”, br. 1/97., str. 1.

## PROGRAM RADA

### SKUPŠTINE TUZLANSKO-PODRINJSKOG KANTONA ZA PERIOD JANUAR - DECEMBAR 1997. GODINE

#### I ZAKONODAVNA DJELATNOST

##### 1. Prijedlog Ustava Tuzlansko-podrinjskog kantona

Donošenje Ustava Tuzlansko-podrinjskog kantona je ustavna obaveza, te ujedno preduslov za konačno pravno uobličavanje ovog Kantona.

Ustav F BiH ("Službene novine F BiH" br. 1/94) u članu V 1.4. propisuje da svaki kanton ima svoj ustav, te utvrđuje što se kantonalnim ustavom reguliše.

Sadržaj: Uspostavljanje Kantona, ljudska prava i osnovne slobode, saradnja sa ombudsmenima, nadležnosti kantonalne vlasti, struktura kantonalne vlasti, lokalna samouprava, amandmani na Ustav, usvajanje Ustava i prijelazne odredbe.

Predlagač: Komisija za izradu nacarta Ustava Tuzlansko-podrinjskog kantona.

Obrađivač: Stručna Služba Skupštine Tuzlansko-podrinjskog kantona.

Rok: Mart - april 1997. godine.

##### 2. Prijedlog Zakona o lokalnoj samoupravi.

Obaveza donošenja Zakona o lokalnoj samoupravi proizilazi iz odredbe člana 19. Zakona o osnovama lokalne samouprave ("Sl. novine F BiH" br. 6/95).

Sadržaj: Samoupravni djelokrug općine, neposredno sudjelovanje građana u odlučivanju, organi jedinice lokalne samouprave, mjesna samouprava, imovina i finansiranje lokalne samouprave, akta jedinice lokalne samouprave, nadzor i zaštita lokalne samouprave i druga pitanja od značaja za ostvarivanje lokalne samouprave.

Predlagač: Vlada Tuzlansko-podrinjskog kantona.

Obrađivač: Ministarstvo pravde i radna tijela Vlade.

Rok: Odmah.

##### 3. Prijedlog ostale zakonodavne djelatnosti.

Donošenje:

- Zakona o zdravstvenoj zaštiti i zdravstvenom osiguranju;
- Zakona o socijalnoj zaštiti;
- Zakona o izmjenama i dopunama Zakona kojima se reguliše status izbjeglica i raseljenih osoba;
- Zakona o zapošljavanju;
- Zakona o kantonalnoj agenciji za privatizaciju;
- Zakona o porezu na prodaju;
- Zakona o porezu na dobit preduzeća;
- Zakona o administrativnim taksama;
- Zakona o univerzitetu;
- Zakona o stambenim odnosima;
- Zakona o prostornom uređenju;
- Zakona o zaštiti okolice;
- Zakona o izmjenama i dopunama Zakona o unutrašnjim poslovima;
- Zakona o statusu poslanika i o radu i finansiranju rada klubova poslanika u Skupštini Tuzlansko-podrinjskog kantona;
- Zakon o zaštiti porodica sa djecom;
- Zakon o mini hidroelektranama;

- Poslovnika o radu Skupštine Tuzlansko-podrinjskog kantona;
  - Provedbenih propisa iz oblasti denacionalizacije i pretvorbe društvenog vlasništva;
  - Propisa iz oblasti zaštite prava djece bez roditeljskog staranja;
  - Ostalih zakona i propisa iz nadležnosti Kantona.
- Podnosilac: Vlada Tuzlansko-podrinjskog kantona.  
Obrađivač: Svako ministarstvo iz svoje nadležnosti i ministri bez portfelja.  
Rok: Kontinuirano tokom 1997. godine.

#### II RAD, SOCIJALNA POLITIKA I IZBJEGLICE

1. Analiza dosadašnjih aktivnosti na povratku prognanika i raseljenih osoba u svoje domove, u skladu sa Aneksom 7. Općeg okvirnog sporazuma i donošenje Programa aktivnosti na realizaciji Aneksa 7. u narednom periodu.

Sadržaj: Dosadašnje aktivnosti, problemi, iskustva i rezultati rada mjerodavnih institucija i organizacija na nivou Kantona i u općinama u rješavanju aktuelnih pitanja oko povratka prognanika i raseljenih osoba u svoje domove, donošenje programa i planova za povratak prognanika i raseljenih osoba iz zemlje i inostranstva u svoje domove u zonama separacije i druga područja sa ustrojenom evidencijom o imovinsko-pravnom stanju, izgradnja objekata i naselja za smještaj raseljenih osoba i izbjeglica, zatvaranje preostalih kolektivnih centara za smještaj raseljenih osoba i prognanika, mogućnost oslobađanja od plaćanja komunalnih usluga i električne energije prognanika smještenih u privatnim kućama adaptiranim od strane humanitarnih organizacija i formiranje parlamentarne grupe - komisije za praćenje stanja na terenu. Problematika iseljavanja građana sa područja Tuzlansko-podrinjskog kantona u zapadno-evropske i druge zemlje.

Predlagač: Vlada Tuzlansko-podrinjskog kantona.

Obrađivač: Ministarstvo za rad, socijalnu politiku i izbjeglice i Ured za povratak prognanih pri Vladi Tuzlansko-podrinjskog kantona.

Rok: April 1997. godine.

2. Informacija o aktuelnoj problematici nezaposlenosti i zadaci na planu zapošljavanja demobilisanih boraca, ratnih vojnih invalida, članova porodica šehida i palih boraca, radnika na čekanju i ostalih nezaposlenih osoba.

Sadržaj: Mogućnosti otvaranja radnih mjesta i zapošljavanja na području Tuzlansko-podrinjskog kantona (sa prioritetima u zapošljavanju). Zakonom regulisati olakšice preduzećima koja zapošljavaju demobilisane borce, ratne vojne invalide i članove porodica poginulih boraca i šehida.

Predlagač: Vlada Tuzlansko-podrinjskog kantona.

Obrađivač: Ministarstvo za rad, socijalnu politiku i izbjeglice.

Rok: April 1997. godine.

3. Izvještaj o radu Vlade Tuzlansko-podrinjskog kantona za period I - III 1997. godine.

Obrađivač: Vlada Tuzlansko-podrinjskog kantona.

Rok: April 1997. godine.

#### III OBNOVA, RAZVOJ I PODUZETNIŠTVO

1. Stanje i problemi u privredi i ostvarivanju politike privrednog razvoja, te stimulisanje poduzetništva kao faktora ekonomskog razvoja Tuzlansko-podrinjskog kantona.

Sadržaj: Oživljavanje proizvodnje privrednih subjekata na području Kantona; Obnova i razvoj malih i srednjih

preduzeća: od 50 radnika, od 50 do 100 zaposlenih, od 100 do 200 i od 200 do 300 radnika; zakonski regulisati olakšice preduzećima koja zapošljavaju demobilisane borce, invalide rata i članove porodica poginulih boraca i šehida; utvrditi kriterije za prioritet i favorizovanje obnove i razvoja nerazvijenih općina koje su najviše stradale u ratu; analiziranje stanja u Kantonu, prije svega, u rubnim općinama Tuzlansko-podrinjskog kantona, oštećenih objekata, njihovu adaptaciju i stvaranje uslova za povratak njihovih prognanih vlasnika; utvrđivanje pogodnosti uvoza opreme za oblast građevinarstva u funkciji obnove i razvoja; kratkoročni i dugoročni poslovi i programi sanacije i izgradnje infrastrukturnih objekata; zakonodavna regulativa u oblasti obnove razvoja i poduzetništva.

Predlagač: Vlada Tuzlansko-podrinjskog kantona.

Obrađivač: Ministarstvo za obnovu, razvoj i poduzetništvo i Ministarstvo za industriju, energetiku i rudarstvo.

Rok: Maj 1997. godine.

2. Strategija integrativnih procesa Tuzlansko-podrinjskog kantona i susjednih regija u RS kao jedinstvenog sistema razvoja i integracije države BiH.

Sadržaj: Mogućnosti privredne saradnje u oblasti agrara prehrambene i metaloprerađivačke industrije; naučno-tehnološka, komunikacijska i druga saradnja; bolje korištenje postojećih privrednih kapaciteta i resursa.

Predlagač: Vlada Tuzlansko-podrinjskog kantona.

Obrađivač: Ministarstvo za obnovu i razvoj i Ministarstvo za industriju, energetiku i rudarstvo.

Rok: Decembar 1997. godine.

3. Izvještaj o radu Vlade Tuzlansko-podrinjskog kantona za period X - XII 1997. godine.

Obrađivač: Vlada Tuzlansko-podrinjskog kantona.

Rok: Januar 1998. godine.

#### IV INDUSTRIJA, ENERGETIKA I RUDARSTVO

1. Informacija o aktuelnim pitanjima sadašnjeg stanja i mogućnostima razvoja industrije, energetskih kapaciteta i rudarstva na području Tuzlansko-podrinjskog kantona.

Sadržaj: Stanje industrijskih kapaciteta uzimajući u obzir ratom nastala oštećenja i procjenu štete; stanje tehnologija proizvodnje; mogućnosti razvoja industrije, energetike i rudarstva sa uvođenjem novih savremenih tehnologija; proces privatizacije u funkciji razvoja industrije; problemi stručnih kadrova u industriji, energetici i rudarstvu.

Predlagač: Vlada Tuzlansko-podrinjskog kantona.

Obrađivač: Ministarstvo za industriju, energetiku i rudarstvo.

Rok: Juni 1997. godine.

#### V POLJOPRIVREDA, ŠUMARSTVO I VODOPRIVREDA

1. Analiza stanja i aktuelni problemi razvoja poljoprivrede, šumarstva i vodoprivrede na području Tuzlansko-podrinjskog kantona.

Sadržaj: Stanje u oblastima poljoprivrede: ratarstvu, voćarstvu, stočarstvu i peradarstvu; mogućnosti razvoja poljoprivrede kroz bolju iskorišćenost poljoprivrednog zemljišta; obezbjeđenje sredstava za kreditiranje demobilisanih boraca, ratnih vojnih invalida, članova porodica poginulih boraca i šehida, za nabavku poljoprivrednih mašina i opreme; mogućnosti dodjele državnog zemljišta na korišćenje na

odreden period navedenim kategorijama; problemi razvoja šumarstva, zaštite šumskog fonda, donošenje plana pošumljavanja na području Tuzlansko-podrinjskog kantona, te stanje i problemi u oblasti vodoprivrede na području Tuzlansko-podrinjskog kantona.

Predlagač: Vlada Tuzlansko-podrinjskog kantona.

Obrađivač: Ministarstvo za poljoprivredu, šumarstvo i vodoprivredu.

Rok: Maj 1997. godine.

#### VI OBRAZOVANJE, NAUKA, KULTURA I SPORT

1. Razmatranje stanja i aktuelnih pitanja rada Univerziteta u Tuzli i donošenje odgovarajućih propisa o preuzimanju prava i obaveza osnivača prema visokoškolskim ustanovama Univerziteta u Tuzli.

Sadržaj: Ustavom F BiH i Ustavnim zakonom Tuzlansko-podrinjskog kantona utvrđeno je da visoko obrazovanje u isključivoj nadležnosti Kantona, te je stoga potrebno provesti aktivnosti na prenošenju prava osnivača prema visokoškolskim ustanovama Univerziteta u Tuzli sa Skupštine BiH na Skupštinu Tuzlansko-podrinjskog kantona sa donošenjem odgovarajuće odluke; utvrđivanje načina finansiranja Univerziteta u Tuzli i visokoškolskih ustanova u njegovom sastavu za 1997. godinu; obezbjeđenje smještajnih (prostornih) kapaciteta za visokoškolske ustanove i rješavanje stambenih pitanja nastavno naučnog kadra na visokoškolskim ustanovama Univerziteta u Tuzli.

Predlagač: Vlada Tuzlansko-podrinjskog kantona.

Obrađivač: Ministarstvo za obrazovanje, nauku, kulturu i sport.

Rok: Juli 1997. godine.

2. Izvještaj o radu Vlade Tuzlansko-podrinjskog kantona za period IV - VI 1997. godine.

Obrađivač: Vlada Tuzlansko-podrinjskog kantona.

Rok: Juli 1997. godine.

#### VII ZDRAVSTVO

1. Ocjena stanja i funkcionisanja zdravstva na području Tuzlansko-podrinjskog kantona.

Predlagač: Vlada Tuzlansko-podrinjskog kantona.

Obrađivač: Ministarstvo zdravstva.

Rok: Juni 1997. godine.

#### VIII URBANIZAM, PROSTORNO UREĐENJE I ZAŠTITA OKOLICE

1. Aktuelna pitanja iz oblasti stambene politike sa analizom ostvarivanja zakonskih propisa u ovoj oblasti.

Sadržaj: Utvrđivanje koncepta obnove i finansiranja stambene izgradnje i održavanja stambenih zgrada; obnova ratom porušenih stambenih i drugih objekata; evidentiranje i utvrđivanje potraživanja za naknadu ratnih šteta sa prijedlogom mjera za osposobljavanje ratom oštećenih stambenih objekata i objekata infrastrukture, te izgradnja stambenih naselja za prognanike uz angažovanje sredstava međunarodne zajednice.

Predlagač: Vlada Tuzlansko-podrinjskog kantona.

Obrađivač: Ministarstvo za urbanizam, prostorno uređenje i zaštitu okolice, Ministarstvo za obnovu, razvoj i poduzetništvo.

Rok: Septembar 1997. godine.

2. Razmatranje analize o stanju i problemima zaštite životne okoline na području Tuzlansko-podrinjskog kantona.

Sadržaj: Stanje kvaliteta životne okoline prema podacima do 1992. godine; procjena sadašnjeg stanja i utvrđivanje mjera u oblasti zaštite i unapređenja životne okoline za naredni period.

Predlagač: Vlada Tuzlansko-podrinjskog kantona.

Obrađivač: Ministarstvo za urbanizam, prostorno uređenje i zaštitu okoline i Sektor za zaštitu okoline.

Rok: Oktobar 1997. godine.

3. Izvještaj o radu Vlade Tuzlansko-podrinjskog kantona za period VII - IX 1997. godine.

Obrađivač: Vlada Tuzlansko-podrinjskog kantona.

Rok: Oktobar 1997. godine.

#### IX PROMET I KOMUNIKACIJE

1. Analiza stanja i problema rekonstrukcije i izgradnje prioritetnih puteva, funkcionisanja drumskog, željezničkog i riječnog saobraćaja i mogućnosti razvoja u oblasti prometa i komunikacija.

Sadržaj: Stanje putne mreže na području Tuzlansko-podrinjskog kantona i održavanje postojećih i izgradnja prioritetnih puteva na području Tuzlansko-podrinjskog kantona; funkcionisanje drumskog i željezničkog saobraćaja na području Tuzlansko-podrinjskog kantona i mogućnosti uspostavljanja prometa preko Brčkog; preduzimanje mjera za oživljavanje rada Luke Brčko te stavljanje u funkciju aerodroma "Dubrave" za civilni saobraćaj.

Predlagač: Vlada Tuzlansko-podrinjskog kantona.

Obrađivač: Ministarstvo za promet i komunikacije.

Rok: Novembar 1997. godine.

#### X UNUTRAŠNJI POSLOVI

1. Informacija o stanju i problemima u radu službi unutrašnjih poslova na području Tuzlansko-podrinjskog kantona.

Sadržaj: Stanje i problemi u oblasti kriminaliteta i bezbjednosti saobraćaja, javnog reda i mira na području Tuzlansko-podrinjskog kantona.

Predlagač: Vlada Tuzlansko-podrinjskog kantona.

Obrađivač: Ministarstvo za unutrašnje poslove.

Rok: Juli 1997. godine.

#### XI SARADNJA SKUPŠTINE TUZLANSKO-PODRINJSKOG KANTONA SA DRUGIM PARLAMENTIMA

1. Uspostavljanje i unapređivanje međuparlamentarne saradnje Skupštine Tuzlansko-podrinjskog kantona sa parlamentima kantona u F BiH i parlamentima regija Evropskih zemalja.

Sadržaj: Iskustva iz parlamentarne prakse drugih kantona u F BiH i regija Evropskih zemalja; razvoj lokalne samouprave, višestranačke demokratije i parlamentarnog sistema; iskustva u zakonodavnoj djelatnosti drugih kantona, te iskustva i saradnja u sprovođenju Aneksa 7. Daytonskog sporazuma.

Nosilac posla: Skupština Tuzlansko-podrinjskog kantona.

Rok: Kontinuirano.

#### NAPOMENA:

Polazeći od činjenice da svako definisano globalno pitanje iz ovog prijedloga Programa rada Skupštine Tuzlansko-podrinjskog kantona zaslužuje da bude što prije razmatrano, prijedlozi termina dati su okvirno. Skupština Tuzlansko-podrinjskog kantona obavezuje ministarstva da, bez obzira na utvrđene termine, odmah pristupe pripremi materijala iz svoje nadležnosti kako bi se, u slučaju potrebe, isti mogli uvrstiti u dnevni red Skupštine i prije Programom rada utvrđenih rokova.

#### XII OSTALO

Pored navedenih pitanja Skupština Tuzlansko-podrinjskog kantona će na svojim sjednicama razmatrati:

1. Mjesečni izvještaj nadležnog ministarstva (u pisanoj formi) o realizaciji Aneksa 7. Daytonskog sporazuma o povratku prognanika i raseljenih osoba u svoje domove.

2. Mjesečne informacije (u pisanoj formi) o postupku implementacije odluke Arbitražnog tribunala za Brčko. (Zavisno od situacije problematika iz prethodnih tačaka 1 i 2., može se uvrstiti i kao posebna tačka dnevnog reda sjednice Skupštine Tuzlansko-podrinjskog kantona).

3. Informacije i izvještaje ministarstava Vlade Tuzlansko-podrinjskog kantona.

4. Informacije o saradnji sa OSCE-om, SFOR-om, te ostalim međunarodno relevantnim faktorima.

5. Ostala pitanja koja se nametnu, kao posebno važna, tokom 1997. godine, a u nadležnosti su Skupštine Tuzlansko-podrinjskog kantona.

Bosna i Hercegovina	Predsjedavajući
Federacija Bosne i Hercegovine	Skupštinom Tuzlansko-podrinjskog
TUZLANSKO-PODRINJSKI	kantona,
KANTON	Fuad Hadžićević, v.r.
Skupština	
Broj: 01-011-57-4/97	
Tuzla, 13. 3. 1997. g.	

#### 5.4. Ustav Tuzlansko-podrinjskog kantona

Na početku ovog mandatnog perioda donesen je i proglašen *Ustav Tuzlansko-podrinjskog kantona*.

Pravni osnov za donošenje *Ustava Tuzlansko-podrinjskog kantona* sadržan je u odredbi člana V.1.4. Ustava Federacije Bosne i Hercegovine, kojim je potvrđeno da Kanton ima Ustav, kojim se osiguravaju:

- a) institucije Kantona,
  - b) zaštita prava i sloboda utvrđenih Ustavom Federacije Bosne i Hercegovine.
- Ustav Kantona mora biti u skladu sa Ustavom Federacije Bosne i Hercegovine.

Ustavom Federacije Bosne i Hercegovine, Federacija Bosne i Hercegovine definisana je kao zajednica kantona, a ustavno pravnim ustrojstvom Federacije Bosne i Hercegovine usvojen je princip decentralizacije vlasti, odnosno ovim Ustavom izvršena je podjela nadležnosti između Federacije Bosne i Hercegovine i kantona. Iz ovakvog ustavnog uređenja Federacije Bosne i Hercegovine i ustavnog položaja kantona, članom V.1.4. Ustava Federacije Bosne i Hercegovine, određeno je da svaki kanton ima svoj ustav kojim se osigurava zaštita prava i sloboda utvrđena Ustavom Federacije Bosne i Hercegovine i funkcionisanje zakonodavne, izvršne i sudske vlasti, kao i drugih institucija i organa. Dakle, donošenjem Ustava Federacije Bosne i Hercegovine i konstituisanjem kantonalnog zakonodavnog tijela (Skupštine kantona) postojala je potreba i obaveza za donošenje Ustava Tuzlansko-podrinjskog kantona, kojim bi se uspostavilo uređenje ovog Kantona.

Međutim, u to vrijeme (kada je donesen Ustav Federacije i kada je formirana Skupština Tuzlansko-podrinjskog kantona), ustavno pravno uređenje, uspostavljeno je Ustavnim zakonom Kantona iz razloga što se u to vrijeme nije raspolagalo svim potrebnim elementima za donošenje cjelovitog Ustava. Primjeri za to su slijedeći:

- Propisi koji bliže uređuju lokalnu samoupravu doneseni su nakon usvajanja Ustavnog zakona Tuzlansko-podrinjskog kantona, odnosno 15. oktobra 1995. godine. Vlada Republike Bosne i Hercegovine donijela je Uredbu o ratifikaciji Evropske povelje o lokalnoj samoupravi, prema kojoj će princip lokalne samouprave biti utvrđen zakonodavstvom zemlje potpisnice i, gdje je to moguće, ustavom. Djelokrug lokalne samouprave prvi put je utvrđen Zakonom o osnovama lokalne samouprave koji je Ustavotvorna skupština Federacije Bosne i Hercegovine donijela 19. 9. 1995. godine.

- Odluke o gradu, kao jedinici lokalne uprave i samouprave, i najuži djelokrug grada i gradskih institucija, nastali su tek usvajanjem Amandmana II - XXIV na Ustav Federacije Bosne i Hercegovine 5. juna 1996. godine. Istim Amandmanima izmijenjene su zajedničke nadležnosti Federacije i kantona.

Donošenjem pomenutih propisa stekli su se uslovi da se Ustavom Kantona cjelovitije uredi lokalna samouprava i druga pitanja, koja predstavljaju ustavnu materiju. Zbog naprijed navedenih razloga i potrebe da se ustavno-pravno uređenje Tuzlansko-podrinjskog kantona uredi ustavom stekli su se uslovi za donošenje ustava ovog Kantona.

- U poglavlju I preuzete su odredbe Ustava Federacije o konstitutivnosti Bošnjaka i Hrvata i ravnopravnosti ostalih naroda i građana kantona; kanton je definisan kao federalna jedinica Federacije koja obuhvata općine i gradove, u sastavu kantona, u skladu sa federalnim propisima; definisana je obaveza da svi organi u kantonu, općinama i gradovima odražavaju nacionalnu strukturu stanovništva; zadržan je naziv i sjedište, službeni jezici i pismo prema Ustavnom zakonu Tuzlansko-podrinjskog kantona iz 1994. godine; definisana je odredba o simbolima Kantona, izuzev u dijelu izgleda, zaštite i upotrebe simbola kojim je predviđeno da će se simboli Kantona upotrebljavati u skladu sa zakonom i umjesto sadašnje norme prema kojoj se simboli Kantona upotrebljavaju, uz simbole Federacije i države Bosne i Hercegovine, u skladu sa Federalnim zakonom.

- U poglavlju II odredba člana 7., u odnosu na Ustavni zakon, data je sažetija i preciznija formulacija koja omogućava njegovo razumijevanje i primjenu u ostvarivanju nadležnosti kantona, koje se odnose na osiguravanje i provođenje mjera zaštite ljudskih prava i sloboda utvrđenih Ustavom Bosne i Hercegovine, Ustavom Federacije i ovim Ustavom. Odredbe člana 8. i člana 9. usklađene su sa Amandmanima na Ustav Federacije. odredba člana 10. institucija ombudsmena nije ni ovim Prijedlogom ustava razrađivana iz razloga što je riječ o federalnoj instituciji koja je bliže određena Federalnim ustavom.

- U poglavlju III nadležnosti kantona, u suštini, ostale su iste u odnosu na Ustavni zakon, izuzev u dijelu pojedinih tačaka gdje su izvršene određene konkretizacije u smislu odredaba iz Federalnog ustava. Zajedničke nadležnosti, svojevremeno su preuzete iz Ustava Federacije, s tim što su usklađene sa Amandmanima na Ustav Federacije, nastalim u cilju usaglašavanja Ustava Federacije sa Ustavom Bosne i Hercegovine iz Dejtona, a čija je suština u vraćanju Federaciji nadležnosti koje pripadaju jednom od entiteta, a državi Bosni i Hercegovini nadležnosti koje su potrebne da se očuva suverenitet, teritorijalni integritet, politička nezavisnost i međunarodni subjektivitet. Tako je u zajedničkoj nadležnosti Federacije i kantona ostala komunikacijska i transportna infrastruktura, ali u skladu sa Ustavom Bosne i Hercegovine; provođenje zakona i drugih propisa o državljanstvu, dopunjeno je i putnim ispravama državljana Bosne i Hercegovine, ali samo sa teritorija Federacije, te boravkom i kretanjem stranaca; imigracija i azil, vraćeni su u nadležnost države Bosne i Hercegovine.

Ostvarivanje zajedničkih nadležnosti u potrebnoj mjeri preuzeto je iz Ustava Federacije.

Član 14. u cijelosti je usklađen sa Amandmanima na Ustav Federacije, a suština je da kanton, osim na općinu i federalnu vlast, nadležnosti navedene u stavu 2. tog člana može prenijeti i na grad, a dužan je to učiniti ako u pogledu nacionalnog sastava većinsko stanovništvo konkretne općine odnosno grada nije većinsko stanovništvo kao cjeline.

U odnosu na sadašnje rješenje, adekvatnije je riješeno pitanje zaključivanja međunarodnih sporazuma od strane kantona na način da je, u pravilu, potrebna prethodna saglasnost Parlamentarne skupštine Bosne i Hercegovine.

U poglavlju IV članovi 15. i 16. ostali su nepromijenjeni u odnosu na Ustavni zakon. Član 17. dopunjen je stavom 2. koji uređuje da se, u slučaju ratnog stanja, neposredne ratne opasnosti i vanrednih prilika, mandat poslanika izabranih na posljednjim izborima za vrijeme trajanja tog stanja produžava, najduže šest mjeseci po prestanku tih okolnosti.

Član 19. u odnosu na Ustavni zakon, termin “predsjedavajući” zamijenjen je terminom “predsjednik”. Činjenica je da predsjedavajući u suštini vrši funkciju predsjednika Skupštine kantona, jer je i predstavlja. Međutim, termin predsjedavajući, koji je prvi put proistekao iz vašingtonskog i Daytonskog mirovnog sporazuma, ipak asocira na privremenost i povremenost obavljanja funkcije. Nadležnosti koje su utvrđene za predsjedavajućeg ovim Ustavom po svojoj funkcionalnoj nadležnosti u formalnom i pravnom smislu više odgovaraju terminu predsjednik. Na kraju i funkcioneri na čelu izvršne i sudske vlasti nose naziv predsjednik, a ne predsjedavajući.

Druga novina je uvođenje u članu 19. zamjenika predsjednika, a u članu 20. funkcije sekretara Skupštine.

Odredba člana 23. dopunjena je nadležnostima, za koje se u međuvremenu od 1994. godine neosporno utvrdilo da su u djelokrugu Skupštine Kantona.

Odredba člana 25. usklađena je sa Ustavom Federacije, i za razliku od Ustavnog zakona, predviđa da Amandmani na Ustav kantona stupaju na snagu u ponoć istog dana kada ih usvoji Skupština kantona, dok kantonalni zakoni stupaju na snagu kao što je u njima određeno, ali ne prije nego što budu objavljeni.

Odredbe u izvršnoj vlasti ostale su nepromijenjene u odnosu na Amandmane na Ustavni zakon Tuzlansko-podrinjskog kantona, izuzev:

- Odredbe o nadležnosti predsjednika Kantona, koja je dopunjena nadležnostima za koje se u međuvremenu od 1994. godine utvrdilo da pripadaju predsjedniku Kantona. S druge strane, eliminisana je mogućnost da predsjednik Kantona raspusti Skupštinu kantona kada ona ne uspije donijeti budžet prije početka budžetske godine, iz razloga što je neophodno dosljedno primijeniti princip podjele vlasti na zakonodavnu, izvršnu i sudsku.

- Odredbe člana 36. kojom je predviđeno da je Vlada odgovorna predsjedniku Kantona i Skupštini Kantona.

- Odredbe člana 37. koje predstavljaju realizaciju principa da se Vlada Kantona može smijeniti na isti način na koji je imenovana ili izglasavanjem nepovjerenja Vladi u Skupštini Kantona.

- Odredbe stava 1. člana 38. kojom se predviđa mogućnost da predsjednik Kantona može razrešiti predsjednika Vlade Kantona, uz potvrđivanje Skupštine Kantona.

Odredbe člana 44. stav 2. kojom se predviđa obaveza Vlade Kantona da propise, koje donosi u skladu sa stavom 1. člana 44., podnosi Skupštini Kantona na potvrđivanje, dok je član 45. dopunjen stavom 2. koji uređuje da, o imunitetu nosioca izvršne vlasti, odlučuje Skupština Kantona.

Odredbe o sudskoj vlasti ostale su nepromijenjene u odnosu na Ustavni zakon, izuzev:

- Kantonalnog suda koji je određen kao najviši sud Kantona;

- ugrađene su odredbe o sudijama - porotnicima;

- odredbe o općinskim sudovima uvrštene su u poglavlje Sudska vlast Kantona.

Odredba člana 61. o savjetima kantona ostala je ista kao u Ustavnom zakonu.

- U poglavlju V ugrađene su odredbe o svečanoj izjavi.

Za odgovarajuće predstavnike zakonodavne i izvršne vlasti utvrđen je tekst svečane izjave.

Za nosioce pravosudnih funkcija predviđena je obaveza davanja svečane izjave, dok se sam tekst svečane izjave, zbog različitosti, uređuje odgovarajućim zakonima.

Poglavlje VI pretrpjelo je najveći broj izmjena u odnosu na Ustavni zakon, počev od naziva u koji je pored općinske ugrađena i gradska vlast. Preuzeta je odredba Amandmana na Ustav Federacije Bosne i Hercegovine, prema kojoj u uslovima kada su dvije ili više općina koje su urbano ili teritorijalno povezane svakodnevnim potrebama građana postoji mogućnost da se formira grad, ali ne samo kao jedinica lokalne samouprave nego i kao jedinica lokalne uprave. U ovom poglavlju preuzete su odredbe ustava Federacije Bosne i Hercegovine, Amandmana na Ustav Federacije Bosne i Hercegovine, Evropske povelje o lokalnoj samoupravi i Zakona o osnovama lokalne samouprave o jedinicama lokalne samouprave, najužem djelokrugu lokalne samouprave čime je eliminisana dosadašnja prepreka za zaživljavanje općina kao jedinica lokalne samouprave, dok su sve ostale potrebe za regulativom u oblasti lokalne samouprave prepuštene Kantonalnom zakonu o lokalnoj samoupravi. Regulirano je finansiranje kao i organi jedinica lokalne uprave i samouprave, mandat članovima općinskog i gradskog vijeća i općinskog načelnika i gradonačelnika.

U poglavlju VII zadržane su dosadašnje odredbe o amandmanima na Ustav Kantona, izuzev u članu 88. stav 2. koji se briše iz razloga što se način odlučivanja uređuje članom 24.

U poglavlju VIII propisan je postupak donošenja zakona koji je predviđen u dvije faze: precizirano je ko u pravilu podnosi inicijativu, a ko može pokrenuti inicijativu za donošenje zakona, te razmatranje nacрта i razmatranje prijedloga zakona.

U poglavlju IX predviđeno je da Ustav Kantona stupa na snagu u ponoć onog dana kada ga usvoji Skupština Kantona, a da tim danom prestaje primjena Ustavnog zakona Tuzlansko-podrinjskog kantona i Amandmana I - X na Ustavni zakon. Zadržan je kontinuitet svih zakona, drugih propisa i pravila koji budu na snazi u Kantonu na dan stupanja na snagu Ustava, u mjeri, u kojoj nisu u suprotnosti sa ovim Ustavom.

Poglavlje X sadrži prijelazne odredbe koje su preuzete iz Ustava Federacije Bosne i Hercegovine.

### *5.5. Poslovnik Skupštine TPK*

U nastojanju da rad poslanika u Skupštini bude što efikasniji i konstruktivniji a utemeljen na zakonskim osnovama donesen je i *Poslovnik o radu Skupštine Tuzlansko-podrinjskog kantona*.

Pravni osnov za donošenje Poslovnika Skupštine Tuzlansko-podrinjskog kantona sadržan je u članu 24. stav 1. tačka e) Ustava Tuzlansko-podrinjskog kantona u kome je propisano da Skupština Tuzlansko-podrinjskog kantona donosi Poslovnik Skupštine.

Skupština Tuzlansko-podrinjskog kantona u novom sazivu nakon provedenih izbora u mjesecu septembru 1996. godine, konstituisana je 9. 10. 1996. godine.

Na konstituirajućoj sjednici Skupštine Kantona nije donesen Poslovnik Skupštine,



odnosno organizacija i način rada utemeljen je na odredbama Poslovnika o radu Skupštine iz prethodnog saziva.

Poslanici na konstituirajućoj sjednici Skupštine izrazili su volju da se organizacija i način rada Skupštine uredi novim poslovníkom.

Iz tih razloga Programom rada Skupštine Tuzlansko-podrinjskog kantona za 1997. godinu, utvrđeno je, pored ostalog, i donošenje novog poslovnika ove Skupštine.

Takođe, zaključkom Skupštine od 11. 9. 1997. godine odlučeno je da se pristupi izradi novog poslovnika Skupštine koji bi bio usklađen sa rješenjima Ustava TPK.

Cjelokupna materija, koju uređuje Poslovnik Skupštine Tuzlansko-podrinjskog kantona, sistematizovana je u 10 poglavlja.

- U poglavlju I u općim odredbama članova od 1. do 5. data su načela organizovanja i rada Skupštine.

Članom 1. u odnosu na sadašnja rješenja Poslovnika o radu Skupštine definisana su nova načela kojima se uređuje odnos Skupštine i predsjednika Kantona, zatim ostvaruju prava i dužnosti Skupštine prema Vladi Kantona i kantonalnim organima uprave.

- U poglavlju II u odredbama članova od 6. do 83. u odnosu na ranija rješenja Poslovnika, data su sažetija i preciznija rješenja organizacije i načina rada Skupštine, koja definišu slijedeća pitanja: verifikacija mandata novoizabranih poslanika, izbor predsjednika, zamjenika predsjednika i sekretara Skupštine, izbor radnih tijela Skupštine sa definisanim nadležnostima, obrazovanje kolegija Skupštine sa jasno utvrđenim zadacima. U istom poglavlju data su adekvatnija rješenja sazivanja sjednica, predlaganja i utvrđivanja dnevnog reda, zatim utvrđivanja kvoruma, učešća u radu, tok sjednice, odlučivanja, te izbori i imenovanja, potvrđivanja imenovanja i razrješenja, kao i pitanje zapisnika koji se vodi na sjednici Skupštine.

Termin "predsjedavajući i zamjenik predsjedavajućeg" zamijenjen je terminom "predsjednik" i "zamjenik predsjednika", što je u skladu sa članom 19. Ustava Tuzlansko-podrinjskog kantona.

Adekvatnije je definisano pitanje rada radnih tijela Skupštine u izvršavanju zadataka iz svog djelokruga rada, saradnja radnih tijela sa drugim subjektima u organima Kantona, kao i obaveza prisustvovanja sjednicama radnih tijela predstavnika predlagача, kada se razmatra nacrt, odnosno prijedlog zakona, drugog propisa ili općeg akta.

Pored radnih tijela Skupštine, utvrđenih sadašnjim Poslovníkom, a u skladu sa odredbama Zakona o unutrašnjim poslovima, obrazuje se i Komisija za kontrolu rada organa unutrašnjih poslova sa tačno utvrđenim nadležnostima.

Poslovníkom je propisana svrha obrazovanja, sastav, djelokrug i način rada Kolegija Skupštine Tuzlansko-podrinjskog kantona.

U dijelu: Sazivanje sjednice, predlaganje i utvrđivanje dnevnog reda, propisan je način sazivanja sjednice, rokovi uručivanja poziva, kao i predlagачи, postupak i način utvrđivanja dnevnog reda. Takođe je regulisan način rada na sjednici.

Propisana je procedura, koja obuhvata način podnošenja prijedloga i ovlaštene predlagаче za pojedine funkcije, postupak odlučivanja, način utvrđivanja rezultata, te postupak smjenjivanja i ostavke funkcionera.

Uređena su načela na kojima se donosi program rada, način izrade, postupak donošenja i praćenja izvršavanja Programa, s tim što je ovim Poslovnikom detaljnije obrađen postupak oko donošenja programa, u koji je, kao predlagač, uvršten kolegij Skupštine proširen predsjednicima radnih tijela. Nove su takođe i odredbe o obavezi razmatranja ostvarivanja Programa od strane Skupštine i preduzimanje mjera za njegovo izvršenje.

Obuhvaćena su pitanja, koja se odnose na prava i dužnosti poslanika, pitanja imuniteta i razloga koji povlače prestanak funkcije poslanika, kao i postupak za ukidanje imuniteta poslanika i postupak po podnesenoj ostavci.

Utvrđena su i pitanja javnosti rada Skupštine.

Poglavlje VI. Akti Skupštine - sistematizovano je prema vrsti pitanja koje se obrazuje u sedam podgrupa, kojima se uređuje postupak za donošenje zakona, razrađen kroz podnošenje inicijative za donošenje zakona, prethodni postupak, nacrt zakona, javnu raspravu o nacrtu zakona, drugog propisa ili općeg akta, prijedlog zakona, amandmani, takođe donošenje zakona po hitnom postupku, donošenje zakona po skraćenom postupku i vršenje ispravki u zakonu, drugom propisu ili općem aktu.

U odredbama o postupku za donošenje drugih akata Skupštine propisan je i postupak donošenja budžeta Kantona, te donošenje odluka, deklaracija, rezolucija i preporuka.

Takođe je utvrđen postupak sačinjavanja prečišćenog teksta, postupak promjene Ustava, kao i odnosi Skupštine sa drugim organima vlasti i uprave.

## *5.6. Zakonodavno-pravna djelatnost*

Konstituisanje kantonalne uprave je nastavljeno donošenjem *Zakona o izmjenama i dopunama Zakona o ministarstvima i drugim organima uprave, Zakona o preuzimanju prava osnivača prema RO Zavod zdravstvene zaštite i Odluke o osnivanju Kantonalnog štaba civilne zaštite a donesen je i Zakon o osnivanju Javne ustanove Bosanski kulturni centar Tuzlansko-podrinjskog kantona i preuzeta osnivačka prava nad pojedinim ustanovama kao što je donošenje Zakona o preuzimanju prava osnivača nad Javnom zdravstvenom ustanovom Klinički centar Tuzla i Zakona o preuzimanju prava osnivača nad JU Dom za djecu bez roditeljskog staranja.*

U ovom sazivu Skupštine izvršeno je više izmjena zakona iz oblasti pravosuđa i to: *Zakona o sudovima, Zakona o tužilaštvu, Zakona o broju sudija Kantonalnog suda i općinskih sudova i Zakona o broju tužilaca i zamjenika tužilaca Kantonalnog tužilaštva i općinskih tužilaštava. Donesen je i Zakon o prenošenju nadležnosti donošenja Krivičnog zakona, posebni dio na Federaciji Bosne i Hercegovine kao i Zakon o plaćama, naknadama i drugim ličnim primanjima sudija sudova Tuzlansko-podrinjskog kantona i Zakon o plaćama, naknadama i drugim ličnim primanjima tužilaca i zamjenika tužilaštava Tuzlansko-podrinjskog kantona.* Takođe je donesen *Zakon o prekršajima* i na taj način je oblast pravosuđa dodatno regulisana u ovom periodu.



*Skupštinsko zasjedanje u Bosanskom kulturnom centru u Tuzli*

U okviru djelokruga rada Skupštine vršene su i izmjene *Zakona o osnovnoj školi i Zakona o srednjoj školi*, a donesen je *Zakon o nostrifikaciji i ekvivalenciji inostranih školskih svjedodžbi*, te zakoni o uređenju imovinsko-pravnih i drugih odnosa u vezi sa preuzimanjem prava i obaveza osnivača prema osnovnim školama koje imaju status javne ustanove kao i prema srednjim školama, koje imaju status javne ustanove. U oblasti obrazovanja donesen je *Zakon o predškolskom odgoju i obrazovanju* kao i više odluka o izdvajanju područnih osnovnih škola i odluka o davanju saglasnosti za osnivanje studijskih odsjeka na Univerzitetu u Tuzli.

U ovom mandatu je donesen novi *Zakon o unutrašnjim poslovima Tuzlansko-podrinjskog kantona*, a dinamika dešavanja u ovoj oblasti uslovila je donošenje *Zakona o izmjenama i dopunama Zakona o unutrašnjim poslovima Tuzlansko-podrinjskog kantona*.

Takođe je donesen *Zakon o službenim novinama Tuzlansko-podrinjskog kantona* i *Zakon o izmjenama i dopunama Zakona o pečatu Tuzlansko-podrinjskog kantona* a kao osnivački akti za osnivanje javnih preduzeća doneseni su: *Zakon o osnivanju Javnog preduzeća za termičku preradu otpada "Piroliza" Tuzla* i *Zakon o osnivanju Javnog preduzeća "Međunarodni aerodrom" Tuzla*, kao i *Zakon o Kantonalnoj agenciji za privatizaciju*.

Stambena oblast je regulisana donošenjem *Zakona o prestanku primjene Zakona o preuzimanju Zakona o napuštenim stanovima u Tuzlansko-podrinjskom kantonu* i *Zakona o prenošenju nadležnosti za vođenje prvostepenog upravnog postupka u oblasti stambenih odnosa*.

U oblasti finansija i poreza donesen je *Zakon o izmjenama i dopunama Zakona o budžetu Tuzlansko-podrinjskog kantona, Zakon o kantonalnim porezima, Zakon o uvođenju doprinosa na plaću za finansiranje dijela socijalne zaštite, Zakon o kantonalnim administrativnim taksama i tarifi kantonalnih administrativnih taksi, Zakon o sudskim taksama, Zakon o robnim rezervama Tuzlansko-podrinjskog kantona. Takođe je usvojen Budžet Tuzlansko-podrinjskog kantona za 1997. godinu i Budžet Tuzlansko-podrinjskog kantona za 1998. godinu, zakoni o izvršenju budžeta Tuzlansko-podrinjskog kantona za 1997. i 1998. godinu, kao i Odluka o usvajanju godišnjeg obračuna Budžeta za 1997. godinu i Odluka o privremenom finansiranju Tuzlansko-podrinjskog kantona za 1. 1. - 31. 3. 1997. godine.*



*Predsjednik Skupštine Tuzlansko-podrinjskog kantona i poslanici na pauzi skupštinskog zasjedanja u Bosanskom kulturnom centru u Tuzli*

Oblast saobraćaja je regulisana donošenjem *Zakona o preuzimanju Zakona o osnovama bezbjednosti saobraćaja na putevima i Zakona o preuzimanju Zakona o bezbjednosti saobraćaja na putevima.*

Oblast kulture je zastupljena donošenjem *Zakona o kulturi*, oblast zaštite životne sredine donošenjem *Zakona o zaštiti okoline* i oblast lokalne samouprave donošenjem *Zakona o lokalnoj samoupravi.*

U ovom mandatnom periodu donesen je i *Program rada Skupštine Tuzlansko-podrinjskog kantona za 1998. godinu*, kao i *Deklaracija o statusu grada Brčkog.*

Pored navedene zakonodavne aktivnosti, koja se ogledala kroz donošenje 48 zakona (31 osnovni zakon i 17 izmjena i dopuna postojećih zakona), Skupština Tuzlansko-podrinjskog kantona je, u održanim 22 redovne i jednoj vanrednoj sjednici, razmatrala niz aktualnih tema iz oblasti društveno-ekonomskih odnosa, kao i aktuelne probleme sprovođenja Dejtonskog mirovnog sporazuma.

Takođe je razmatrano stanje i problemi u privredi, industriji, energetici, rudarstvu, poljoprivredi, šumarstvu, vodoprivredi, stambenoj politici, problemi životne sredine, oblast saobraćaja, poslovanja preduzeća iz oblasti trgovine, turizma i ugostiteljstva, stanje i kretanje kriminaliteta i drugo.

Skupština je kontinuirano na nekoliko sjednica razmatrala informacije o stanju i problemima povratka i smještaja izbjeglih i raseljenih lica i aktuelna pitanja vezana za Brčko, te donijela brojne značajne akte iz nadležnosti Skupštine Tuzlansko-podrinjskog kantona.

Treba posebno istaknuti rad radnih tijela Skupštine Tuzlansko-podrinjskog kantona, koja su održala preko 90 sjednica i to: Zakonodavno-pravna komisija koja je održala 21 sjednicu, Komisija za izbor i imenovanja 19 sjednica, Mandatno-imunitetska komisija 6 sjednica, Administrativna komisija 8 sjednica, Komisija za ustavna pitanja 15 sjednica, Komisija za predstavke i prijedloge 5 sjednica, te Odbor za društveno-ekonomske odnose 5 sjednica i Odbor za politički sistem 4 sjednice. Pored stalnih radnih tijela Skupštine Tuzlansko-podrinjskog kantona, svoj doprinos u radu su dale Komisija za izradu Nacrta ustava Tuzlansko-podrinjskog kantona sa održanih 10 sjednica i Komisija za izradu Poslovnika Skupštine Tuzlansko-podrinjskog kantona sa održanih 8 sjednica.

Neophodno je istaći korektan i funkcionalan rad Kolegija Skupštine Tuzlansko-podrinjskog kantona, koji je kroz svoje 22 održane sjednice u mnogočemu doprinio radu Skupštine, kao i rad klubova poslanika i ekspertne grupe koja je zastupala Skupštinu Tuzlansko-podrinjskog kantona u postupku pred Ustavnim sudom Federacije Bosne i Hercegovine, čiji je izvještaj, takođe, dostavljen poslanicima.

Treba istaknuti i aktivnosti Službe Skupštine Tuzlansko-podrinjskog kantona na blagovremenom pripremanju materijala i ostalih uslova za rad, za 22 redovne i jednu vanrednu sjednicu Skupštine Tuzlansko-podrinjskog kantona, kao i sjednice radnih tijela u proteklom periodu, te blagovremeno pripremanje i štampanje "Službenih novina Tuzlansko-podrinjskog kantona", ukupno 23 broja, u kojima su objavljeni svi zakonski i drugi propisi, usvojeni na sjednicama Skupštine, kao i brojne odluke, rješenja o imenovanjima itd.

"Službene novine Tuzlansko-podrinjskog kantona" su redovno i blagovremeno dostavljane poslanicima i svim ministarstvima Vlade Kantona kao i ostalim organima vlasti i institucijama na području Tuzlansko-podrinjskog kantona.

## VI - AKTIVNOSTI SKUPŠTINE

### *6.1. Svečane sjednice Skupštine*

Svečane sjednice Skupštine održavane su povodom obilježavanja značajnih datuma:

- 1. mart - *Dan nezavisnosti Bosne i Hercegovine*
- 25. novembar - *Dan državnosti Bosne i Hercegovine.*

Povodom Dana nezavisnosti Bosne i Hercegovine održana je svečana sjednica 1. marta 1997. godine, na kojoj se predsjednik Skupštine Tuzlansko-podrinjskog kantona Fuad Hadžiavić prisutnim obratio slijedećim riječima:

“Dame i gospodo, uvaženi gosti, dragi i poštovani prijatelji,

Imam izuzetno veliku čast i zadovoljstvo da vas u ime Skupštine Tuzlansko-podrinjskog kantona, guvernera i Vlade Kantona najsrdačnije pozdravim, da vam najiskrenije čestitam ovaj naš veliki praznik te i da vam se zahvalim što ste došli na ovu svečanu sjednicu Skupštine kako bismo zajedno obilježili 1. mart - Dan nezavisnosti Bosne i Hercegovine.

I ovom prilikom moramo se podsjetiti da se od 2.073.568 građana Bosne i Hercegovine koji su glasali na Referendumu održanom 29. februara i 1. marta 1992. godine, za suverenu i nezavisnu Bosnu i Hercegovinu, državu ravnopravnih građana, naroda Bosne i Hercegovine - Bošnjaka, Hrvata, Srba i pripadnika drugih naroda, koji u njoj žive, izjasnilo 99,44% građana.

Na taj način naša država Bosna i Hercegovina je ispunila jedan od uslova međunarodne zajednice da dobije međunarodno priznanje i postane članica Svjetske zajednice nezavisnih država. To je i potvrđeno 22. maja 1992. godine kada je Bosna i Hercegovina primljena u članstvo organizacije Ujedinjenih Nacija.

Dan nezavisnosti za jednu državu znači da je od toga dana političkom voljom naroda - nezavisna država preuzela odgovornosti pred međunarodnom zajednicom za samostalno vođenje svoje politike, odbranu svoga državnog teritorija i vršenja državne vlasti na svom teritoriju, kao i obavezu da će voditi miroljubivu politiku prema susjedima i drugim državama međunarodne zajednice.

Naravno, svima nama je jasno da smo još uvijek dosta daleko od željenog i potrebnog nivoa navedenih, ključnih principa nezavisnosti, ali je to naš cilj kojem težimo i koji iz godine u godinu sve više ostvarujemo.

Pri tome, moramo biti duboko svjesni da šest godina u životu naroda jedne države, nije velik period. Ali, na primjeru Bosne i Hercegovine, može se vidjeti da se za šest godina na ovom malom parčetu zemlje odigralo više događaja, dobrih i loših, više zločina, više

izdajstva i ubojstva, više rađanja i umiranja nego u bilo koja tri vijeka naše historije. Nama je bilo suđeno da budemo sudionici tih dramatičnih zbivanja i događaja. Dijelim sigurno vaše mišljenje, ako kažem da svi mi, a posebno borci naše Armije, našeg Drugog korpusa i drugih jedinica, šehidi, poginuli borci i invalidi oslobodilačkog rata - možemo biti ponosni što smo bili i ostali aktivni učesnici navedenih povijesnih događaja kojima će se ponositi i buduće generacije.

Prvi mart je, dakle, bio naša sudbina i neumjesno je, pa i grješno pitanje da li je išta moglo biti drugačije.

Postojao je samo jedan put i na taj put bošnjački i hrvatski narod, na današnji dan, prije šest godina, krenuli su sa dubokom sviješću da jednom izgublenu nezavisnost, država vrlo teško ponovo stiče. Bosni i Hercegovini je trebalo 529 godina da ponovo 1992. godine, osigura svoju nezavisnost.

Zašto ova naša veličanstvena borba, kojoj se dive svi miroljubivi i napredni ljudi ima visoko civilizacijsko značenje u borbi protiv fašizma.

Ovom borbom mi utiremo put i osiguravamo miran i sretan život našim budućim generacijama za narednih hiljadu godina. Istovremeno se odužujemo generacijama koje su nam kroz dosadašnju tegobnu historiju očuvale Bosnu i Hercegovinu kao našu jedinu domovinu.

Takođe ovom borbom mu potvrđujemo da narod, može opstati u svojoj državi, te da je on u svakoj drugoj državi ili rob ili nacionalna manjina, ili samo jedna religijska skupina.

Zato je ova borba za teritorijalni integritet i suverenitet BiH, koja još uvijek traje, od životnog značaja za sva tri bosanska naroda, a posebno za bošnjački narod, jer mu njegovi susjedi odriču pravo na vlastiti identitet. Ali je ona od istog takvog značaja i za bosanske Hrvate i bosanske Srbe, kojima je, takođe Bosna i Hercegovina jedina domovina.

Jer, po mom mišljenju, čovjek može biti državljanin dvije države, ali domovina je samo jedna. Drugim riječima, Bošnjacima, Hrvatima i Srbima i pripadnicima drugih naroda koji vjekovima žive na ovim prostorima, domovina je u državno-pravnom, političkom i nacionalnom smislu samo Bosna i Hercegovina. Sva tri bosanska naroda su samo svoj, sa svojim vlastitim kulturnim identitetom, na svojoj bosanskoj zemlji.

Stavljajući interes cjelovite Bosne i Hercegovine ispred parcijalnog, svaki narod imat će veće šanse da ostvari svoje nacionalne interese, nego ako se getoizira i zatvori u određenom prostoru. Dok u svakom našem narodu ne prevlada svijest da je BiH njegova jedina i prava domovina, njihova država će ostati trusno područje s mogućnošću obnove rata i manipulisanja bosanskim narodima, čega smo bili svjedoci u minulom ratu, pa i sada u godinama mira.

Obilježavajući 1. mart - Dan nezavisnosti Bosne i Hercegovine možemo s ponosom reći da je Okrug Tuzla odnosno Tuzlansko-podrinjski kanton tokom cijelog minulog rata i u godinama Dejtonskog mira, bio i ostao simbol nezavisnosti BiH.

Valjalo je to, tokom minulih 6 godina, stalno potvrđivati ne samo riječima, već i djelima, kako na prvim borbenim linijama, tako i u organizovanju kompletnog društveno-ekonomskog života. To je ovdje na području Tuzlansko-podrinjskog kantona učinjeno na najbolji mogući način - masovnim uključivanjem svih raspoloživih ljudskih, materijalnih i

drugih potencijala u odbranu nezavisnosti BiH. Zahvaljujući tome Tuzlansko-podrinjski kanton je tokom cijelog oslobodilačkog rata bio područje sa najvećom slobodnom teritorijom, koja sada obuhvata 2.928 kvadratnih kilometara.

Sve ovo je rezultat uporne i herojske borbe desetine hiljada boraca koji su, iako višestruko slabije naoružani od agresora, ne samo odbranili prve linije fronta u općinama: Gradačac, Brčko, Čelić, Teočak, Kalesija, Sapna, Tuzla, Živinice, Banovići, Lukavac, Gračanica, Doboj-Istok itd. već i oslobodili na stotine kvadratnih kilometara okupiranih i zaposjednutih teritorija.

Pored toga, i u najtežim uslovima rata, uspješno je organizovana namjenska i druga proizvodnja, a izuzetno dobro je funkcioniralo i kompletno zdravstvo, radile osnovne i srednje škole i fakulteti, PTT-e i elektroenergetski sistem.

Uspješno je nastavljeno, sve to na daleko većem nivou i nakon potpisivanja Dejtonskog mirovnog sporazuma, koji, bez obzira na sve poteškoće koje su i danas prisutne u njegovoj implementaciji, označava jednu novu etapu u razvoju Federacije i države Bosne i Hercegovine i Tuzlansko-podrinjskog kantona.

Ovom prilikom ću u najkraćim crtama da se osvrnem na najznačajnije rezultate koji su u toku 1997. godine ostvareni u skoro svim oblastima života na području Tuzlansko-podrinjskog kantona.

Prije svega, poboljšano je stanje infrastrukture, koje se ogleda u obnovi zdravstva, školstva, saobraćaja, vodosnabdijevanja, energetike, rudarstva, telekomunikacija, kao i osposobljavanja objekata policije i pravosuđa. Dosta je urađeno na oživljavanju i pokretanju malih i srednjih preduzeća, povećan je obim industrijske proizvodnje za 58% u odnosu na 1996. godinu, broj zaposlenih je dostigao cifru od 68.293 radnika, dok status radnika na čekanju, ima 13.619 radnika. Veliki je broj nezaposlenih lica 58.683 od čega demobilisanih boraca 24.506, što je veoma ozbiljan problem.

Od ukupno 587.126 stanovnika Tuzlansko-podrinjskog kantona čak 143.477 ih ima status raseljenih lica, i u našem Kantonu su veoma izraženi problemi prognanika. U privatnom smještaju trenutno se nalazi 135.860 raseljenih lica, u kolektivnim naseljima 6.609 i u kolektivnim centrima i institucijama nešto više od 1.000 prognanika.

Prema broju raseljenih lica, Tuzlansko-podrinjski kanton je najnaseljenije područje u Federaciji Bosne i Hercegovine i taj broj se stalno povećava povratkom izbjeglica iz inostranstva. Povratak izbjeglica i raseljenih lica svojim kućama, u skladu sa Aneksom 7 Dejtonskog sporazuma, i pored značajnih rezultata, ne ostvaruje se željenim tempom i do sad se u svoje domove na području Tuzlansko-podrinjskog kantona vratilo, prema još nepotpunim podacima, svega oko 7.000 prognanika. Ova aktivnost se mora maksimalno pojačati. U vezi s tim će narednih dana biti održana i sjednica Skupštine Tuzlansko-podrinjskog kantona na kojoj će biti razmatran i usvojen plan i program povratka izbjeglica i raseljenih lica svojim kućama u 1998. godini, koja je, inače, proglašena godinom povratka i to dvosmjernog povratka izbjeglica i raseljenih lica na cijelom području Bosne i Hercegovine.

Također treba pojačati aktivnosti na rješavanju problema nestalih lica jer je to naša velika obaveza.



Od brojnih drugih rezultata ostvarenih u proteklom periodu pomenimo da na području 14 općina Tuzlansko-podrinjskog kantona rade 84 osmogodišnje osnovne škole sa 135 područnih škola koje pohađa 64.263 učenika, 35 srednjih škola sa oko 24.000 učenika, te 9 viših škola i fakulteta sa više hiljada studenata. Veći broj škola je adaptiran i opremljen i novim školskim namještajem i savremenim učilima, a obezbijeđen je i dovoljan broj nastavnika. U narednih 6 mjeseci bit će ponuđen i realan koncept razvoja obrazovanja u cjelini, a očekuje se i donošenje zakona o univerzitetu.

Veliko je bogatstvo imati oko 90.000 učenika osnovnih i srednjih škola i više hiljada studenata. To je mladost na kojoj se temelji, ne samo budućnost Kantona, već i Bosne i Hercegovine.

Izuzetno značajni rezultati ostvareni su i u zdravstvu, gdje je zaposleno 4.760 radnika od čega 2.300 u Univerzitetsko kliničkom centru u Tuzli.

Uz pomoć donatora izvršena je rekonstrukcija najvećeg broja ratom oštećenih zdravstvenih objekata u primarnoj zdravstvenoj zaštiti i sa ulaganjima u oblast zdravstva treba nastaviti i u narednom periodu.

Također treba istaknuti da je na području Tuzlansko-podrinjskog kantona izvršena sanacija najvećeg dijela manje oštećenih objekata u vlasništvu Bošnjaka i Hrvata. Izgrađeno je oko 700 stambenih jedinica čime je značajno smanjen broj ljudi u kolektivnom smještaju. I dalje treba forsirati izgradnju novih stambenih objekata iz mase sredstava koja će se dobiti prodajom stanova, favorizovati individualnu izgradnju davanjem raznih povlastica građanima, zatim obezbijediti sredstva za popravak kuća u zonama separacije, te izgraditi model sistemskog pružanja pomoći i podrške funkcionisanju i razvoju najnerazvijenih odnosno rubnih općina, posebno posvetiti pažnju problemima Podrinja.

U narednom periodu treba pokrenuti projekte pružanja pomoći socijalno najugroženijim porodicama, doškolovanju, prekvalifikaciji demobilisanih boraca, saniranju kuća porodica šehida i poginulih branitelja, te osigurati povoljna kreditna sredstva za proljetnu sjetvu i otkup poljoprivrednih proizvoda.

Iz svega navedenog i brojnih drugih činjenica i pokazatelja može se vidjeti da se naš Kanton, Federacija Bosne i Hercegovine u cjelini oporavlja daleko bržim tempom u odnosu na druge zemlje koje su doživjele sličnu sudbinu i ratna stradanja.

Prije svega, to treba zahvaliti sprovođenju Dejtonskog mirovnog sporazuma, koji je donio mir, demokratiju i prosperitet na ove naše bosanskohercegovačke prostore i zato, i u narednom periodu, ne smije biti odstupanja od odredbi ovog historijskog dokumenta koji se mora u cijelosti, u svim svojim aneksima, ostvariti.

To se odnosi i na odredbe Dejtonskog sporazuma o Brčkom čija arbitraža se nepotrebno odugovlači već dvije godine.

Na dan nezavisnosti Bosne i Hercegovine mi moramo upozoriti međunarodnu zajednicu da se, ako Brčko pripadne Republici Srpskoj, bitno ugrožava i dovodi u pitanje nezavisnost naše države na koju smo čekali punih 529 godina. Ako u Arbitražnom tribunalu i međunarodnoj zajednici, uprkos svim dokazima o agresiji, zločinima i genocidu nad

Brćacima, ne bude prava i pravde za Brčko, kako onda očekivati pravdu od te iste međunarodne zajednice za državu Bosnu i Hercegovinu. Poželimo svi skupa da se ostvare riječi predsjedavajućeg Predsjedništva Alije Izetbegovića koji je sinoć u svojoj poruci građanima naše države, posebno naglasio: da je ovo godina u kojoj će biti riješen problem Brčkog za koje zahtijevamo pravdu, koju je garantovao i Dejtonski sporazum.

Za pravično i pravedno rješenje Brčkog treba nam podrška međunarodne zajednice, koju najviši državni organi Bosne i Hercegovine moraju još jednom upozoriti da konačnu arbitražnu odluku treba donijeti u predviđenom roku do 15. marta ove godine i da se bez pravde za Brčko dovodi u pitanje međunarodno priznata nezavisnost i cjelovitost Bosne i Hercegovine, a samim tim i dalja sudbina Dejtonskog sporazuma.

Vraćajući se ponovo 1. martu - Danu nezavisnosti, želim još jednom da naglasim da je zahvaljujući stečenoj nezavisnosti 1992. godine i hrabrom otporu branitelja, naša država opstala. Zato je trebalo velike hrabrosti i mudrosti.

Kad danas obilježavamo ovaj značajan događaj, sjetimo se i odajmo dužnu poštu svim onima, koji su u proteklom milenijumu, branili i očuvali nam Bosnu i Hercegovinu.

Ponosni što pripadamo generaciji Bosanaca koji, na prijelazu u treći milenij, očuvanu Bosnu i Hercegovinu, predajemo u amanet našim potomcima da nastave slavnu tradiciju svojih predaka.

Ovo obraćanje u povodu Dana nezavisnosti Bosne i Hercegovine završit ću riječima našeg predsjednika Alije Izetbegovića, koji je na izuzetno lijep način označavajući našu sudbinsku vezanost za Bosnu i Hercegovinu i njenu nezavisnost, potencirao:

*“Svaki narod ima svoju obećanu zemlju.*

*Naša obećana zemlja je Bosna i Hercegovina.*

*Pozivam vas da se za nju izborimo”.*

Na kraju još jednom vam čestitam današnji praznik i želim vam svako dobro.”

## *6.2. Međunarodna saradnja*

Aktivnosti Skupštine Tuzlansko-podrinjskog kantona odvijale su se i na polju međunarodne suradnje.

Prilikom posjete Dubrovniku, u martu 1998. godine, povodom međurepubličke suradnje Republike Hrvatske i Republike Bosne i Hercegovine, odnosno Tuzlansko-podrinjskog kantona predsjednik Skupštine ovog Kantona Fuad Hadžić je upoznao gradonačelnika Dubrovnika sa osobenostima Tuzlansko-podrinjskog kantona:

“Poštovana gospodo,  
uvaženi gradonačelnice Dubrovnika,

Želim, prije svega, da izrazim svoje veliko zadovoljstvo što mi se pružila prilika da posjetim Vaš, u cijelom svijetu, poznati povijesni grad Dubrovnik, i što imam čast da Vas najiskrenije i od srca pozdravim i izrazim duboku zahvalnost na Vašem srdačnom prijemu.

Dozvolite mi da Vam u najkraćim crtama predstavim Tuzlansko-podrinjski kanton/županiju.

Prije rata 1991. godine na površini od 6.000 kvadratnih kilometara, u 19 općina tuzlanske regije, živjelo je oko 950.000 stanovnika, od čega 55,3% Bošnjaka, 28% Srba, oko 9% Hrvata i 7,7% ostalih. Ukupno je bilo zaposleno 168.122 radnika od čega je 84 posto radilo u oblasti privrede.

Tokom minulog rata teritorija Tuzlansko-podrinjskog kantona/županije smanjena je za 50% - na 2.928 kvadratnih kilometara, broj stanovnika u 14 općina ovog Kantona/Županije sveden je na 587.000 i manji je za 373.000 u odnosu na predratni period, od čega oko 150.000 ima status raseljenih osoba i izbjeglica. Broj zaposlenih je manji za oko 100.000 radnika, u okviru čega 60.000 ljudi ima status nezaposlenih osoba.

Na području Tuzlansko-podrinjskog kantona/županije rade 94 osnovne škole sa 67.700 učenika i 3.500 prosvjetnih djelatnika, 35 srednjih škola sa 22.100 učenika i 1.600 zaposlenih, dok na 7 fakulteta Univerziteta u Tuzli ima 6.500 studenata i 700 profesora i drugog osoblja.

Pored školstva, posebna pažnja se posvećuje zdravstvu i svaka općina ima dom zdravlja, dok u Tuzli radi 12 klinika. Kompletno zdravstvo je organizovano na nivou Kantona/Županije u okviru Univerzitetskog kliničkog centra Tuzla sa oko 4.700 zaposlenih.

Na području Tuzlansko-podrinjskog kantona/Županije postoje tradicionalno dobri odnosi između bošnjačkog i hrvatskog naroda i njegovih zastupnika u općinskim i kantonalnim/županijskim organima vlasti. To se potvrdilo neposredno pred početak rata i agresije na Bosnu i Hercegovinu, na Referendumu za nezavisnost Bosne i Hercegovine održanom 29. 2. i 1. 3. 1992. godine, kada je 99,44 % Bošnjaka i Hrvata, koji su pristupili glasanju, dalo svoj glas za suverenu i nezavisnu Bosnu i Hercegovinu. To se potvrdilo i u minulom ratu u kojem su Bošnjaci i Hrvati zajedno branili i odbranili sadašnje prostore Kantona/Županije od srpsko-crnogorskih i drugih vojnih i paravojnih vojski i formacija. Napokon, to se potvrđuje i u miru, u zajedničkim naporima Bošnjaka i Hrvata na konstituisanju organa vlasti u općinama Tuzlansko-podrinjskog kantona/županije u cjelini.

Na nivou Kantona/Županije vlast je organizirana po uzoru na savremene demokratske parlamentarne sisteme zapadnih zemalja: zakonodavnu, izvršnu i sudsku vlast.

Zakonodavnu vlast vrši Skupština Tuzlansko-podrinjskog kantona/županije, koja je organizirana kao jednodomni parlament, konstituisan od 50 zastupnika, izabranih na općim izborima 1996. godine, iz četiri parlamentarne stranke: SDA, HDZ, Združena lista Bosne i Hercegovine i Stranke za Bosnu i Hercegovinu. Na temelju izbornih rezultata parlamentarne stranke imaju slijedeći broj zastupničkih mjesta u Skupštini/Saboru Kan-

tona/Županije: SDA - 33, Združena lista - 9, Stranka za Bosnu i Hercegovinu - 5 i HDZ 3 zastupnička mjesta. Nacionalna struktura zastupnika je slijedeća: Bošnjaka 44, Hrvata 5 i Jevreja 1 zastupnik, što je u skladu i sa nacionalnom strukturom stanovništva Kantona/Županije. Treba napomenuti da je predsjednik Skupštine/Sabora Kantona/Županije iz reda bošnjačkog naroda, a zamjenik predsjednika iz reda hrvatskog naroda.

U prošloj 1997. godini održano je 15 sjednica Skupštine/Sabora Tuzlansko-podrinjskog kantona/županije i više od 50 sjednica radnih tijela. Razmatrano je i usvojeno više od 30 osnovnih zakona i zakona o izmjenama i dopunama zakona, te razmatrano 6 aktualnih analiza društveno-ekonomskog života građana.

U raspravama o svim navedenim zakonima i pitanjima ostvaren je visoki stupanj suradnje, kako svih parlamentarnih stranaka, tako i zastupnika bošnjačkog i hrvatskog naroda u radu i donošenju odluka Skupštine/Sabora Kantona/Županije. Svi predloženi zakoni, uključujući i Ustav Kantona/Županije, donijeti su bez preglasavanja, u većini slučajeva jednoglasno.

Za 1998. godinu Programom rada Skupštine/Sabora Kantona/Županije planirana je još intenzivnija aktivnost Kantonalnog/Županijskog parlamenta. Bit će razmatrano 45 nacrti i prijedloga raznih zakona i 22 analize, kao i izvještaji i informacije, pripremljene od strane ministarstava i Vlade Kantona/Županije.

Uz ovo kratko predstavljanje našeg Kantona/Županije, dozvolite mi da na kraju posebno istaknem našu želju da u narednom periodu, polazeći od višestoljetne povijesne upućenosti Bosne i Hercegovine na Dubrovnik i Dubrovnika na Bosnu i Hercegovinu, nastavimo to veličanstveno djelo trgovačke, privredne, turističke i kulturne suradnje, koje su utemeljili naši slavni preci, i da tom djelu damo nove sadržaje.

Istinski smatram da mi to možemo uraditi!

Hvala vam na pažnji i još jednom primite izraze našeg dubokog poštovanja.”

### *6.3. Arbitražna odluka za grad Brčko*

U ovom mandatnom periodu veliki dio aktivnosti Skupštine Tuzlansko-podrinjskog kantona je bio posvećen vođenju aktivnosti oko donošenja arbitražne odluke za grad Brčko.

Aktivnosti su se odvijale i putem saopćenja za javnost kao i pismenom komunikacijom sa Robertom Farrandom, zamjenikom visokog predstavnika i supervizorom za Brčko.

Saopćenje za javnost u vezi sa arbitražom za Brčko od 14. 4. 1997. godine:

“1. Vanredna sjednica Skupštine Tuzlansko-podrinjskog kantona, koja je održana 4. februara 1997. godine, bila je u cijelosti posvećena najaktualnijim pitanjima vezanim za arbitražu Brčkog. Poslanici su, nakon višerasovnog razmatranja dotadašnje sveukupne aktivnosti o arbitraži za područje Brčkog, usvojili poseban dokument pod nazivom: “*APEL za pravdu Arbitražnom tribunalu za područje Brčkog*”. Ovaj dokument Skupštine Tuzlansko-podrinjskog kantona istog dana je poslan na adresu Arbitražnog tribunala u SAD. U Apelu se traži strogo pridržavanje odredbi Dejtonskog sporazuma, poštivanje principa pravičnosti i pravde u procesu donošenja Arbitražne odluke za područje Brčkog, zatim, poštivanje prava sloboda kretanja, povratak prognanih Brčaka svojim kućama, prava na privatno vlasništvo i imovinu, zatim je ukazano i na značaj Brčkog za Federaciju Bosne i Hercegovine, te na negativne posljedice, ukoliko bi Brčko pripalo Republici Srpskoj, itd.

2. Na konferenciji za štampu, koja je održana 31. marta o. g. u Skupštini Tuzlansko-podrinjskog kantona u Tuzli, posebno su akcentirana “*Aktuelna pitanja vezana za sprovođenje Odluke Arbitražnog tribunala za područje Brčkog*”. Putem sredstava javnog informisanja, kojima dugujemo posebnu zahvalnost, od supervizora za Brčko, a u povodu njegovog dolaska u Bosnu i Hercegovinu, zatraženo je da odmah pristupi sprovođenju Odluke Arbitražnog tribunala, posebno na planu povratka prognanih Brčaka svojim kućama, uspostave administracije supervizora i međuetničkih i međunarodnih policijskih snaga, ostvarivanja prava na slobodu kretanja, uspostavu saobraćaja na svim komunikacijama koje vode u i iz Brčkog, uspostavu državnog carinskog prijelaza u Brčkom, formiranje i rad državne korporacije za transport, uz korištenje Luke Brčko, zatim, omogućavanje zajedničkog korištenja svim Brčacima, društvenih objekata u gradu Brčkom za privredu, školstvo, zdravstvo, kulturu, sport, koji su prije rata izgrađeni tokom zajedničkog rada i života, da onemogući ratnohuškačku propagandu srpskih medija, kojom se nastoje zastrašiti intelektualci i drugi stručni kadrovi iz reda Bošnjačkog naroda, koji se optužuje za ratne zločine, kako bi odustali od povratka u Brčko.

3. Predsjedavajući Skupštine Tuzlansko-podrinjskog kantona uputio je 10. 4. 1997. godine pismo gosp. Robertu Farrandu, supervizoru za Brčko, u kojem mu je poželio puno uspjeha u budućem radu u Brčkom i ponovio zahtjeve i očekivanja Skupštine Tuzlansko-podrinjskog kantona u vezi sa sprovođenjem Odluke Arbitražnog tribunala, posebno na planu povratka prognanih Brčaka svojim kućama, uspostave administracije i policijskih snaga, slobode kretanja, ostvarivanja građanskih prava na privatno vlasništvo, imovinu itd., uspostavu carinskog prijelaza Bosne i Hercegovine u Brčkom, održavanju septembarskih izbora itd.

4. Na predstojećoj sjednici Skupštine Tuzlansko-podrinjskog kantona, koja će se održati do kraja aprila o. g., informisaćemo poslanike i javnost o dosadašnjim aktivnostima vezanim za sprovođenje Odluke Arbitražnog tribunala za Brčko, što ćemo činiti i na svakoj narednoj sjednici Skupštine Tuzlansko-podrinjskog kantona.”

**Prilog broj 2**



*Tuzlansko-podrinjski kanton*  
*Skupština*

Broj: 01-011-149-1/97  
Tuzla, 10. 4. 1997. g.

URED VISOKOG PREDSTAVNIKA  
ZA BOSNU I HERCEGOVINU  
- za gosp. Roberta Farranda, zamjenika  
Visokog predstavnika i Supervizora za Brčko -  
SARAJEVO

Predmet: Pismo gosp. Robertu Farrandu

Mnogopoštovani i uvaženi gosp. Farrand!

U povodu Vašeg dolaska u Brčko i početka rada kao supervizora za grad i općinu Brčko, u ime Skupštine Tuzlansko-podrinjskog kantona i u vlastito ime, najiskrenije Vam želim puno uspjeha u Vašem budućem radu. Od Vas, kao svjetskog diplomate i Supervizora, iza kojeg stoje svi relevantni međunarodni faktori na čelu sa Sjedinjenim Američkim Državama, očekujemo da na temeljima principa pravde i pravičnosti, obezbijedite dosljednu i efikasnu sprovedbu dijela Dejtonskog sporazuma, koji se odnosi na područje Brčkog i Odluke Arbitražnog tribunala u čemu ćete imati punu podršku svih struktura Tuzlansko-podrinjskog kantona i općine Brčko.

Parlament Tuzlansko-podrinjskog kantona očekuje od Vas, kao supervizora, i od Vaše administracije, da povratak građana Brčkog, bez obzira na nacionalnu pripadnost, a shodno popisu stanovništva iz 1991. godine, bude primaran zadatak čijem realiziranju treba pristupiti ODMAH. U tom smislu neprihvatljiva je svaka inicijativa kojom bi se ograničavao i svodio na minimum broj povrataka prognanih i raseljenih Brčaka, zatim pojave ograničenja vezanih za slobodu kretanja na području grada i općine Brčko, kao i pojave ograničavanja ostvarivanja prava na privatno vlasništvo i imovinu prognanim Brčacima.

Očekujemo od Vas da se založite da se u što skorije vrijeme pristupi formiranju multietničkih policijskih snaga za područje pod Vašom jurisdikcijom koje će, zajedno sa Međunarodnim policijskim snagama Ujedinjenih naroda, doprinjeti sprovedbi Odluke Arbitražnog tribunala i Dejtonskog sporazuma. Isto tako, Skupština Tuzlansko-podrinjskog kantona od Vas traži da što hitnije uspostavite zajedničku multietničku administraciju za grad i općinu Brčko, koja će, uz Vaše vodstvo, imati odlučujući značaj u sprovođenju Odluke Tribunala.

Parlament Tuzlansko-podrinjskog kantona traži od Vas da se aktivno uključite u zajedničke aktivnosti na: otvaranju i funkcionisanju imovinskog prijelaza države Bosne i Hercegovine u Brčkom i stvaranju općih uslova za formiranje i početak rada državne korporacije za transport u čiji bi sastav ušla i Luka Brčko.

U sklopu općih nastojanja za zaživljavanje mira i povjerenja, Skupština Tuzlansko-podrinjskog kantona očekuje od Vas, kao supervizora za Brčko, da što prije obezbijedite zajedničko korištenje školskih, zdravstvenih, privrednih, kulturnih, sportskih i drugih objekata u gradu, te rad parlamentarnih i drugih stranaka, udruženja građana i dobrotvornih humanitarnih organizacija sva tri naroda. Smatramo da je u gradu Brčkom, kao središtu budućeg distrikta pod jurisdikcijom supervizora, nužno zadovoljiti navedene i druge potrebe svih građana Brčkog, koji su te objekte izgradili tokom zajedničkog dugogodišnjeg rada i života.

Parlament Tuzlansko-podrinjskog kantona traži od Vas da, kao zamjenik Visokog predstavnika za Bosnu i Hercegovinu i supervizor, stvorite sve potrebne pretpostavke za održavanje septembarskih izbora na cjelokupnoj predratnoj teritoriji općine Brčko, kao jedinstvenoj izbornoj jedinici, u okviru čega se mora omogućiti da glasanju mogu pristupiti i birati jedinstvenu multietničku vlast, samo građani Brčkog po popisu iz 1991. godine po utvrđenom jedinstvenom biračkom spisku.

Od Vas, gosp. Farrand, također očekujemo da odlučno onemogućite svaki pokušaj samovoljnog interpretiranja Odluke Arbitražnog tribunala od bilo koje strane, što predstavlja kršenje Dejtonskog sporazuma, te da se suprotstavite pojavama oživljavanja ratnohuškačke propagande putem sredstava javnog informiranja.

Primate izraze dubokog poštovanja.

Predsjedavajući Skupštinom  
Tuzlansko-podrinjskog kantona,  
Fuad Hadžiavdić

**Prilog broj 3**



*Tuzlansko-podrinjski kanton*  
*Skupština*

Broj: 01-011-201-24/97  
Tuzla, 26. 5. 1997. g.

URED VISOKOG PREDSTAVNIKA  
ZA BOSNU I HERCEGOVINU  
- za gosp. Roberta Farranda  
supervizora za Brčko -  
SARAJEVO

Predmet: Protestno pismo

Poštovani gosp. Farrand!

Na sjednici Skupštine Tuzlansko-podrinjskog kantona, održanoj 22. 5. 1997. godine u Tuzli, razmatrana je, između ostalog, Informacija o problemima i aktivnostima na povratku i zbrinjavanju izbjeglih i raseljenih osoba na ovom području, u okviru čega je posebno mjesto dato problematici prognanika iz Brčkog. Usvojen je i zaključak da se uputi protestno pismo gospodinu Robertu Farrandu i svim drugim međunarodnim institucijama u Bosni i Hercegovini koje slijedi:

Poštovani gosp. Farrand, iako je od Vašeg stupanja na dužnost supervizora za Brčko prošlo više od mjesec i po dana moramo sa žaljenjem i ogorčenjem konstatovati da ste do sada veoma malo uradili na realizaciji ključnog zadatka iz Dejtonskog sporazuma i Odluke Arbitražnog tribunala za Brčko - POVRATKU PROGNANIH BRČAKA U SVOJE DOMOVE. Na osnovu Vaše dosadašnje aktivnosti



prognani Brčaci sve više gube nadu da će se, nakon više od 5 godina izganstva, vratiti svojim kućama. Ne mogu ni naslutiti kada će početi Vaša intenzivnija aktivnost na ostvarivanju najvažnijeg zadatka supervizora za Brčko - povratka izbjeglih i raseljenih osoba u svoje domove. Oglušili ste se na naše molbe izražene u pismima koje Vam je u ime Parlamenta Kantona 10. aprila 1997. godine uputio predsjedavajući Skupštinom Tuzlansko-podrinjskog kantona, gdje je, između ostalog, istaknuto:

“Parlament Tuzlansko-podrinjskog kantona očekuje od Vas, kao supervizora, i od Vaše administracije, da povratak građana Brčkog, bez obzira na nacionalnu pripadnost, a shodno popisu stanovništva iz 1991. godine, bude primaran zadatak čijem realiziranju treba pristupiti ODMAH.”

Umjesto takvog angažiranja Vi, gosp. Farrand, niste do sada ni jednim Vašim aktom, pa čak ni procedurom za povratak u Brčko, dali realne i stvarne garancije za povratak prognanih građana Brčkog u svoje domove. Naprotiv, Vašim zahtjevom iz tačke 7. procedure za povratak u Brčko, da povratnici moraju prihvatiti dokumenta Republike Srpske, zatim davanjem Vaše prećutne dozvole doseljenim Srbima u Brčkom da popravljaju devastirane kuće, koje su vlasništvo Bošnjaka i Hrvata, Vaše neregovanje na usvajanje nerealnih izbornih pravila za izbore u Brčkom, kojima se iz izbora isključuje preko 20.000 Bošnjaka i prejudicira konačna odluka Arbitražnog tribunala za Brčko, Vaše neadekvatno reagiranje na incidente srpskih ekstremista u gradu i zoni separacije, Vaša sporost u uspostavi multietničke administracije i policije, usporava i otežava realizaciju Odluke Arbitražnog tribunala za Brčko i Aneksa 7. Dejtonskog sporazuma.

Od Vas, kao supervizora za Brčko, poslanici Skupštine Tuzlansko-podrinjskog kantona očekuju da date svoj lični doprinos izmjenama izbornih pravila PIK-a, kojima bi se garantovalo svim prognanicima i drugim stanovnicima općine Brčko, shodno popisu stanovništva iz 1991. godine, pravo da učestvuju u lokalnim izborima u jedinstvenoj izbornoj jedinici za cijelu predratnu općinu Brčko. To bi, ujedno, bila i Vaša garancija za uspostavu multietničke demokratske vlasti u gradu i općini u cjelini. Istovremeno trebate odlučno onemogućiti sve pokušaje izbornog inženjeringa srpskih vlasti putem kriptovotvorenih službenih dokumenata, radnih dozvola, sprečavanja slobode kretanja i povratka prognanika svojim kućama, onemogućavanja prognanicima da glasaju u gradu itd.

Parlament Tuzlansko-podrinjskog kantona ponovo traži od Vas da, kao supervizor za Brčko i zamjenik Visokog predstavnika za Bosnu i Hercegovinu, zajedno sa gosp. Robertom Frovikom, stvorite sve potrebne pretpostavke za održavanje septembarskih izbora na cjelokupnoj predratnoj teritoriji općine Brčko, kao jednoj jedinstvenoj izbornoj jedinici, u okviru čega se mora omogućiti da glasanju mogu pristupiti i birati jedinstvenu multietničku vlast, samo građani općine Brčko, po popisu iz 1991. godine, po jedinstvenom biračkom spisku.

Primiti izraze našeg dubokog poštovanja.

Predsjedavajući Skupštinom  
Tuzlansko-podrinjskog kantona,  
Fuad Hadžavić

#### 6.4. Svečana sjednica na kraju drugog mandata

Na kraju mandata poslanika Skupštine (drugog saziva), a prije konstituisanja novog saziva poslanika u Skupštini, održana je svečana sjednica Skupštine Tuzlansko-podrinjskog kantona 28. 9. 1998. godine, na kojoj je predsjednik govorio o realizaciji Programa rada Skupštine Tuzlansko-podrinjskog kantona za period januar 1997. - septembar 1998. godine.

Tim povodom, Fuad Hadžić, predsjednik Skupštine Tuzlansko-podrinjskog kantona, obraćajući se prisutnima, istakao:

“Period od konstituiranja drugog saziva Skupštine Tuzlansko-podrinjskog kantona (10. oktobar 1996. g.) do danas - predstavlja, s jedne strane, period potpunog zaokruživanja pravnog i društveno-ekonomskog sistema Kantona i, s druge strane, period ubrzanog razvoja u svim oblastima života, uz stvaranje realnih pretpostavki za još brži i dalji napredak.

Skupština Tuzlansko-podrinjskog kantona, je organizovana kao jednodomni parlament i sastoji se od 50 poslanika iz tri parlamentarne stranke i jedne koalicije, odnosno konstituirana je od: Stranke demokratske akcije, koja na osnovu izbornih rezultata ima 33 zastupnička mjesta, Združene liste sa 9, Stranke za Bosnu i Hercegovinu sa 5 i Hrvatske demokratske zajednice sa 3 zastupnička mjesta. Održala je u proteklom dvogodišnjem periodu 22 redovne i jednu vanrednu sjednicu.

*Skupština je usvojila 31 osnovni i 17 zakona o izmjenama i dopunama zakona, od kojih želim, ovom prilikom, pomenuti slijedeće: Zakon o lokalnoj samoupravi, Zakon o zaštiti okolice, Zakon o kantonalnoj agenciji za privatizaciju, Zakon o unutrašnjim poslovima, Zakon o prekršajima, Zakon o kulturi itd., dok se u proceduri donošenja nalaze zakoni o kantonalnoj upravi, univerzitetu, šumama, obrtu, zemljoradničkim zadrugama i naučno-istraživačkoj djelatnosti.*

I ovom prilikom moram pomenuti da je Skupština Tuzlansko-podrinjskog kantona, pored navedenih zakona, u proteklom periodu ili tačnije *19. juna 1997. godine, donijela Ustav Tuzlansko-podrinjskog kantona*, a potom i *Poslovnik Skupštine Tuzlansko-podrinjskog kantona*, te da je jednu posebnu, vanrednu, sjednicu posvetila aktuelnoj problematici donošenja konačne *Odluke Arbitražnog tribunala za Brčko*. Takođe, treba istaknuti da su na redovnim sjednicama Skupštine Kantona razmatrane *analize, izvještaji i informacije o aktuelnim pitanjima stanja, problema i razvoja privrede, stambene problematike, zaštite čovjekove okolice, povratka prognanika i raseljenih lica svojim kućama uključujući i donošenje Plana povratka prognanika na području Kantona u 1998. godini*, te brojna druga pitanja.

U raspravama o svim navedenim i drugim zakonskim aktima i temama, ostvaren je visok stepen suradnje, kako svih parlamentarnih stranaka, tako i poslanika bošnjačkog i hrvatskog naroda u radu i donošenju odluka Skupštine Tuzlansko-podrinjskog kantona. Svi predloženi zakoni, uključujući i Ustav Tuzlansko-podrinjskog kantona, donijeti su bez preglasavanja, u većini slučajeva, jednoglasno.

Usvojeni zakoni i drugi propisi, odluke i rješenja Skupštine i Vlade, redovno su objavljivi u "Službenim novinama Tuzlansko-podrinjskog kantona" na bosanskom i hrvatskom jeziku, koje u cijelosti priprema Služba Skupštine. *U proteklom periodu su objavljena 23 broja "Službenih novina Tuzlansko-podrinjskog kantona"*, koje su redovno dostavljane svim poslanicima, ministarstvima Vlade i ostalim organima vlasti na području Kantona.

Zahvaljujući navedenim i brojnim drugim aktivnostima Skupštine, Vlade i predsjednika Tuzlansko-podrinjskog kantona, u proteklom dvogodišnjem periodu ostvareni su krupni rezultati u svim oblastima života. Prije svega, poboljšano je stanje infrastrukture, koje se ogleda u obnovi zdravstva, školstva, saobraćaja, vodosnabdijevanja, razvoja energetike, rudarstva, telekomunikacija, kao i osposobljavanja objekata pravosuđa i policije.

Dosta je urađeno i na oživljavanju i pokretanju malih i srednjih preduzeća, povećan je obim industrijske proizvodnje za 58 posto, broj zaposlenih je premašio cifru od 70.000, dok status radnika na čekanju ima oko 13.000 ljudi. Problem nezaposlenosti je još uvijek veoma naglašen i među 58.000 nezaposlenih, više od 24.000 su demobilisani borci. Takođe, veoma su izraženi problemi prognanika i od ukupno 587.126 stanovnika, više od 140.000 ljudi ima status raseljenih lica. Do sada se svojim kućama vratilo oko 7.000 prognanika.

Od brojnih drugih rezultata ostvarenih u proteklom periodu, pomenimo da na području Tuzlansko-podrinjskog kantona uspješno rade 84 osnovne škole koje pohađa preko 64.000 učenika, zatim 35 srednjih škola sa oko 24.000 đaka, te 9 viših škola i fakulteta, koji su ovih dana odlukom ove Skupštine obogaćeni novim odsjecima. Želim da naglasim da je veliko bogatstvo imati 90.000 učenika i studenata, kao što ima naš Kanton. To je mladost na kojoj se temelji budućnost našeg Kantona i Bosne i Hercegovine u cjelini, mladost sa kojom ulazimo u 21. vijek.

Izuzetno značajni rezultati ostvareni su u zdravstvu, gdje je zaposleno oko 4.800 ljudi od čega 2.300 u Univerzitetsko-kliničkom centru u Tuzli. Uz pomoć donatora izvršena je rekonstrukcija najvećeg broja ratom oštećenih zdravstvenih objekata primarne zdravstvene zaštite u svih 14 općina Kantona. Sa ulaganjima u zdravstvo treba nastaviti i u narednom periodu.

U pripremanju sjednica Skupštine Tuzlansko-podrinjskog kantona veoma značajnu ulogu su imali Kolegij Skupštine, radna tijela i Služba Skupštine, te klubovi poslanika. Zahvaljujući njihovim aktivnostima predložena zakonska rješenja su temeljitije i svestranije analizirana, poboljšavane su odredbe predloženih zakona, blagovremeno usaglašavani stavovi parlamentarnih stranaka, tako da prilikom donošenja konačnih rješenja nije bilo preglasavanja. Zahvaljujući takvom metodi rada, Ustav, i brojne druge najvažnije zakone, Skupština je donijela jednoglasno što predstavlja poseban kvalitet demokratskog rada i odlučivanja.

Takođe, treba naglasiti da je u protekle dvije godine ostvaren visok stepen saradnje Skupštine sa Vladom Kantona i njenim ministarstvima, kako u oblasti zakonodavne dje-

latnosti, tako i na rješavanju brojnih životnih pitanja utvrđenih programima rada Skupštine i Vlade Kantona.

Treba i ovom prilikom posebno istaknuti da su navedeni i brojni drugi rezultati postignuti zahvaljujući i dobroj saradnji izabranih predstavnika bošnjačkog i hrvatskog naroda i njihovih najodgovornijih dužnosnika u Vladi i Skupštini Tuzlansko-podrinjskog kantona. Tu saradnju treba i dalje stalno razvijati i sve eventualne probleme, kao i do sada, rješavati na demokratski način u interesu oba naroda i ostalih građana.

Iz svega navedenog i brojnih drugih činjenica i pokazatelja, može se vidjeti da se Tuzlansko-podrinjski kanton i Federacija Bosne i Hercegovine oporavljaju daleko bržim tempom u odnosu na druge zemlje koje su doživjele sličnu sudbinu i ratna razaranja. To treba, prije svega, zahvaliti sprovođenju Dejtonskog mirovnog sporazuma, koji je donio mir, demokratiju i prosperitet na ove naše prostore i zato ne smije biti odstupanja od odredbi ovog historijskog dokumenta i u narednom periodu. To se odnosi i na odredbe Dejtonskog sporazuma o Brčkom, čija se arbitraža nepotrebno odugovlačila skoro tri godine.

I ovom prilikom moramo upozoriti međunarodnu zajednicu da se, ako Brčko pripadne Republici Srpskoj, bitno ugrožava i dovodi u pitanje nezavisnost Bosne i Hercegovine, na koju smo čekali punih 529 godina. Za pravično i pravedno rješenje Brčkog treba nam, više nego ikad ranije, podrška međunarodne zajednice od koje i ova Skupština i najviši državni organi Federacije i države Bosne i Hercegovine moraju još jednom zahtijevati da konačnu arbitražnu odluku donese u predviđenom roku i na taj način omogućiti ubrzani razvoj privrede, dvosmjerni povratak prognanika svojim kućama i sveukupni razvoj Bosne i Hercegovine u skladu sa Dejtonskim sporazumom.

Na kraju bih želio da istaknem svoje uvjerenje da će Tuzlansko-podrinjski kanton, kao jedan od mnogoljudnijih i najvećih kantona i regija u Bosni i Hercegovini, sa svojim potencijalima u rudarstvu, hemijskoj, elektro-energetskoj, metaloprerađivačkoj, poljoprivredno-prehrambenoj, drvnoj i drugim industrijama - imati veoma značajnu ulogu u budućem razvoju i Federacije i države Bosne i Hercegovine u cjelini. Najvažnije pretpostavke za to su:

- finansijski kapital, koji je u značajnoj mjeri obezbijeđen putem donatorskih konferencija,
- izrada kvalitetnih programa i projekata obnove i razvoja privrednih i drugih kapaciteta, koje smo u dobroj mjeri već uradili,
- ubrzavanje započete privatizacije,
- korišćenje i dalje stručno usavršavanje vlastitih kadrovskih potencijala,
- ostvarivanje što intenzivnije, posebno regionalne, saradnje sa svim onim subjektima u susjednim državama i u svijetu koji mogu pomoći razvoju ovog Kantona i zemlje.

U narednoj fazi obnove i rekonstrukcije, Tuzlansko-podrinjski kanton će se zalagati da prioriteti razvoja budu: infrastruktura, energetika, rudarstvo, hemijska industrija i poljoprivreda. Takođe, naše opredjeljenje je tržišna orijentacija, tranzicija, zakonsko uređenje vlasništva, te stvaranje prostora stranom kapitalu da značajnije pomogne našoj privredi, prije svega, ulaganjem na profitnoj osnovi u proizvodnju, a samim tim i zapošljavanje koje je jedno od najkrupnijih pitanja daljeg razvoja našeg Kantona i Federacije i države Bosne i Hercegovine.

Dragi poslanici, u sve postignute rezultate ovog Kantona ugrađena je i vaša neumorna dvogodišnja aktivnost, na koju svi mi možemo biti ponosni i na čemu vam ja, u ime Skupštine, čestitam i najiskrenije i najtoplije zahvaljujem. Riječi zahvalnosti upućujem i predsjedniku Tuzlansko-podrinjskog kantona, premijeru i potpredsjednicima Vlade Kantona, svim ministrima i sekretaru Vlade, zatim predstavnicima Regionalnog centra posmatračke misije Evropske unije u Tuzli, predstavnicima OSCE-a i drugih međunarodnih organizacija s kojima smo ostvarili izuzetno dobru saradnju, te predstavnicima sredstava javnog informisanja, koji su redovno pratili i korektno izvještavali o svim aktivnostima Skupštine i njenih radnih tijela u proteklom dvogodišnjem periodu. Hvala!”



*Učesće Vlade u radu sjednice Skupštine Tuzlansko-podrinjskog kantona*

## **Prilog broj 4**

### **P R E G L E D**

#### **ZAKONA DONESENIH U DRUGOM SAZIVU POSLANIKA SKUPŠTINE TUZLANSKO-PODRINJSKOG KANTONA**

##### **A. AMANDMANI, ZAKON**

- |  |            |
|--|------------|
| 1. Amandmani na Ustavni Zakon Tuzlansko-podrinjskog kantona                  | 9/96. 193. |
| 2. Zakon o izmjenama i dopunama Zakona o Vladi Tuzlansko-podrinjskog kantona | 9/96.196.  |

##### **B. USTAV TPK/TPŽ**

- |                  |                 |
|------------------|-----------------|
| 1. Ustav TPK/TPŽ | 7/97.161 i 169. |
|------------------|-----------------|

##### **C. ZAKONI**

- |  |                 |
|--|-----------------|
| 1. Zakon o izmjenama i dopunama Zakona o sudovima  | 2/97.21.        |
| 2. Zakon o izmjenama Zakona o tužilaštvu   | 2/97.22.        |
| 3. Zakon o izmjenama i dopunama Zakona o broju sudija Kantonalnog suda i općinskih sudova                        | 2/97.23.        |
| 4. Zakon o izmjenama Zakona o broju tužilaca i zamjenika tužilaca Kantonalnog tužilaštva i općinskih tužilaštava | 2/97.23.        |
| 5. Zakon o Kantonalnoj agenciji za privatizaciju   | 3/97.25.        |
| 6. Zakon o preuzimanju prava osnivača prema RO Zavod za zdravstvenu zaštitu                                      | 3/97.28.        |
| 7. Budžet Tuzlansko-podrinjskog kantona za 1997. g.  | 4/97.61.        |
| 8. Zakon o izmjenama i dopunama Zakona o budžetu TPK   | 4/97.61.        |
| 9. Zakon o izvršenju budžeta TPK za 1997. g.   | 4/97.72.        |
| 10. Zakon o prenošenju nadležnosti donošenja Krivičnog zakona - posebni dio na Federaciju BiH                    | 5/97.81.        |
| 11. Zakon o unutrašnjim poslovima TPK  | 6/97.89.        |
| 12. Zakon o robnim rezervama TPK   | 6/97.107.       |
| 13. Zakon o preuzimanju prava osnivača nad Javnom ustanovom Dom za djecu bez roditeljskog staranja Tuzla         | 6/97.114.       |
| 14. Zakon o izmjenama i dopunama Zakona o ministarstvima i drugim organima uprave TPK                            | 6/97.118.       |
| 15. Zakon o preuzimanju prava osnivača nad Javnom zdravstvenom ustanovom Klinički centar Tuzla                   | 9/97.213 i 215. |
| 16. Zakon o izmjenama i dopunama Zakona o sudovima   | 9/97.218.       |

17. Zakon o izmjenama i dopunama Zakona o tužilaštvu	9/97.219.
18. Zakon o izmjenama i dopunama Zakona o osnovnoj školi	9/97.220 i 221.
19. Zakon o izmjenama i dopunama Zakona o srednjoj školi	9/97.221 i 222.
20. Zakon o preuzimanju Zakona o osnovama bezbjednosti saobraćaja na putevima	11/97.301.
21. Zakon o preuzimanju Zakona o bezbjednosti saobraćaja na putevima	11/97.303.
22. Zakon o kantonalnim administrativnim taksama i Tarifi kantonalnih administrativnih taksa	12/97.309.
23. Zakon o nostrifikaciji i ekvivalenciji inozemnih školskih svjedodžbi	12/97.317. i 319.
24. Zakon o sudskim taksama	13/97.341.
25. Zakon o uvođenju doprinosa na plaću za finansiranje dijela socijalne zaštite	13/97.360.
26. Zakon o osnivanju Javne ustanove Bosanski kulturni centar Tuzlansko-podrinjskog kantona	13/97.363.
27. Budžet Tuzlansko-podrinjskog kantona za 1998. g.	14/97.413.
28. Zakon o izvršenju budžeta za 1998. g.	14/97.422.
29. Zakon o službenim novinama Tuzlansko-podrinjskog kantona	14/97.426.
30. Zakon o plaćama, naknadama i drugim ličnim primanjima sudija sudova Tuzlansko-podrinjskog kantona	14/97.427.
31. Zakon o plaćama, naknadama i drugim ličnim primanjima tužilaca i zamjenika tužilaca tužilaštava TPK	14/97.429.
32. Zakon o izmjenama i dopunama Zakona o ministarstvima i drugim organima uprave Tuzlansko-podrinjskog kantona	14/97.430.
33. Zakon o osnivanju Javnog preduzeća za termičku preradu otpada "Pirroliza" Tuzla	1/98.10.
34. Zakon o osnivanju Javnog preduzeća "Međunarodni aerodrom Tuzla" Tuzla	1/98. 14.
35. Zakon o izmjenama i dopunama Zakona o preuzimanju prava osnivača nad Javnom zdravstvenom ustanovom Univerzitetski klinički centar Tuzla	1/98.19.
36. Zakon o izmjenama i dopunama Zakona o ministarstvima i drugim organima uprave	1/98. 21.
37. Zakon o izmjenama i dopunama Zakona o unutrašnjim poslovima	1/98.22.

#### **D. ZAKONI KOJI SU STAVLJENI U SKUPŠTINSKU PROCEDURU**

1. Prijedlog Zakona o prekršajima.
2. Nacrt Zakona o lokalnoj samoupravi.
3. Nacrt Zakona o univerzitetu.
4. Nacrt Zakona o zaštiti okolice.
5. Nacrt Zakona o kantonalnim porezima (završena javna rasprava)





*“Čovječe, pazi  
da ne ideš malen  
ispod zvijezda.”*

*(A. B. Šimić, Opomena)*



TREĆI SAZIV SKUPŠTINE  
TUZLANSKO-PODRINJSKOG KANTONA  
27.10.1998. - 9.12.2000.



PREDSJEDNIK SKUPŠTINE  
IZET ŽIGIĆ



PREDSJEDNIK KANTONA  
TARIK ARAPČIĆ



ZAMJENIK PREDSJEDNIKA SKUPŠTINE  
TOMO VIDOVIĆ



PREDSJEDNIK VLADE HAZIM VIKALO  
OD 16. 11. 1998. DO 7. 5. 1999.



SEKRETAR SKUPŠTINE  
ALIS SARIHODŽIĆ



PREDSJEDNIK VLADE BAJAZIT JAŠAREVIĆ  
OD 8. 5. 1999.



## VII - OPĆI IZBORI U BOSNI I HERCEGOVINI 1998. GODINE

### *7.1. Rezultati izbora*

Sa razvojem demokratske svijesti i stvaranjem stabilnijih društvenih odnosa, izgrađivao se i jasniji stav prema kvalitetu kandidata na političkoj sceni. Izbori iz godine u godinu su pokazali da političari, prije svega, treba da imaju kvalitetne programe kojima mogu ući u izbornu borbu, a oni sami da imaju moralni dignitet i svijest da rade odgovoran i ozbiljan posao. Konkurencija političkih programa u višestranačkom sistemu u Bosni i Hercegovini još uvijek nije dobila svu svoju punoću i osobenost ali, dominirale su određene opšte i aktuelne teme kao demokratija, humanost, pravda, problemi nacionalnih sloboda i prava, stabilnosti i mira, socijalne pravde.

No, sve se to moralo uklapati u temeljna pravila izbornog sistema. A izbori su ponovo u septembru 1998. godine, pa će građani glasanjem iskazati svoja opredjeljenja.


Temeljna pravila izbornog sistema utvrđena su u Pravilima i propisima Privremene izborne komisije. Kada je u pitanju izbor državnog parlamenta i parlamenta oba državna entiteta, propisan je proporcionalni izborni sistem. Ovaj tip izbora imao je zadatak da u Bosni i Hercegovini pokuša realizirati što pravednije konstituisanje parlamenta na temelju istinske političke zastupljenosti svih segmenata društva.

Međunarodni posmatrači nadzirali su izborni proces u skladu sa Pravilima i propisima Privremene izborne komisije.

*Građani Bosne i Hercegovine za svoje bolje sutra glasali su 12. i 13. septembra 1998. godine. Zvanično objavljivanje izbornih rezultata općih izbora u Bosni i Hercegovini za 1998. godinu obavila je Privremena izborna komisija. Šef Misije OSCE-a za Bosnu i Hercegovinu Robert Beri, saopćio je da je Privremena izborna komisija usvojila raspored mandata za sva zakonodavna tijela u zemlji, te da je tehničkom ovjerom završen izborni ciklus za 1998. godinu.*

ZASTUPNIČKI DOM PARLAMENTARNE  
SKUPŠTINE BOSNE I HERCEGOVINE


# Zastupnički dom Parlamentarne skupštine BiH



KCD BiH	17 mjesta
HDZ BiH	6 mjesta
SDP BiH	4 mjesta
SD BiH	2 mjesta
DNZ BiH	1 mjesto
NHI HKDU	1 mjesto
SDS Lista	4 mjesta
Sloga	4 mjesta
SRS RS	2 mjesta
RS RS	1 mjesto

ZASTUPNIČKI DOM PARLAMENTARNE  
SKUPŠTINE FEDERACIJE BOSNE I HERCEGOVINE

# Zastupnički dom Parlamentarne skupštine FBiH



- TUZLANSKO-PODRINJSKI KANTON:

- KCD BiH (SDA BiH, S BiH, LIBERALI BiH, GDS) - 26 mjesta
- DS PENZIONERA - 1 mjesto
- SOCIJALDEMOKRATI BiH - 9 mjesta
- HDZ BiH - 2 mjesta
- SDP BiH - 10 mjesta
- NOVA HRVATSKA INICIJATIVA - HKDU - 1 mjesto
- BOSS - BOSANSKA STRANKA - 1 mjesto

Nakon zvanično objavljenih izbornih rezultata, *šef Misije OSCE-a za Bosnu i Hercegovinu Robert Beri* uputio je 13. oktobra 1998. godine, predsjedniku Skupštine Tuzlansko-podrinjskog kantona akt koji se odnosi na završene izbore. U aktu se kaže:

“Poštovani gospodine Hadžić, zadovoljstvo mi je što mogu da Vas obavijestim da je u petak 2. oktobra 1998. godine Privremena izborna komisija izvršila tehničku ovjeru rezultata izbora koji su održani 12. i 13. septembra 1998. godine. Imena svih stranaka i kandidata kojima su mandati dodijeljeni u Skupštinu Kantona 3, prethodno ime Tuzlansko-podrinjskog kantona, nalaze se na spisku koji je priložen uz ovo pismo. Želio bih da Vas podsjetim da prema postojećem zakonu od vlasti se zahtijeva da sazove prvu sjednicu sa novoizabranim kandidatima u Skupštini Kantona u roku od 10 dana. Zahvaljujem Vam se na pažnji koju posvećujete ovom pitanju.”

## *7.2. Konstituirajuća sjednica*

*Konstituirajuća sjednica Skupštine Tuzlansko-podrinjskog kantona održana je 27. 10. 1998. godine. Sjednicom je predsjedavao predsjednik Skupštine Tuzlansko-podrinjskog kantona Fuad Hadžić.*

Verifikaciona komisija u sastavu:

1. Mirza Zukanović,
2. Aid Hasanagić,
3. Mediha Bakalović,
4. Ante Zvonar,
5. Mulaga Hadžić,

prema potvrdama Privremene izborne komisije i listama kandidata registrovanih političkih stranaka u Tuzlansko-podrinjskom kantonu, izvršila je identifikaciju kandidata i Skupštini podnijela izvještaj Verifikacione komisije, utvrdila listu kandidata kojima je verifikovan mandat.



Donesena je Odluka o potvrđivanju verifikacije mandata poslanikau Skupštini Tuzlansko-podrinjskog kantona, kako slijedi:

1. Ramiz Vilić
2. Izet Žigić
3. Fuad Hadažavdić
4. Sadeta Subašić
5. Sead Hasanhodžić
6. Spomenka Mičić
7. Hazim Vikalo
8. Mirza Zukanović
9. Enisa Žunić
10. Đulaga Mujagić
11. Mirsad Kukić
12. Hazim Hadžić
13. Šaban Časurović
14. Hamzalija Ibrić
15. Enver Jukanović
16. Salim Bašić
17. Nijaz Kudumović
18. Salih Kulenović
19. Nusret Hamidović
20. Amir Kočić
21. Besnik Ismaili
22. Taib Muminović
23. Sadik Čamdžić
24. Džemal Mujić
25. Edib Kravić
26. Ševal Dautović
27. Sead Avdić
28. Aid Hasanagić
29. Sanja Ercegović
30. Edhem Muftić
31. Zlatko Dukić
32. Aleksandra Andrić
33. Tomo Vidović
34. Kasim Brigić
35. Mina Mašić
36. Esad Atić
37. Selim Bešlagić
38. Jasmin Imamović
39. Mevlida Kunosić-Vlajić
40. Rafo Jozić
41. Igor Rajner
42. Esad Kitić
43. Mediha Bakalović
44. Dragan Tomić
45. Živka Kurtić
46. Ivo Andrić Lužanski
47. Marko Amidžić
48. Ante Zvonar
49. Mulaga Hodžić
50. Muamer Dedić.

Skupština Tuzlansko-podrinjskog kantona je jednoglasno usvojila izvještaj, te donijela Odluku o potvrđivanju verifikacije mandata poslanika u Skupštini Tuzlansko-podrinjskog kantona.

Novoizabranim poslanicima obratila se i *direktorica Regionalnog centra OSCE-a Onelija Kadetini* riječima:

“Gospodine predsjedniče, dame i gospodo, posebno mi je drago što imam priliku da pozdravim ovu inauguralnu sesiju Skupštine Tuzlansko-podrinjskog kantona. OSCE je sretan što je, tokom sedmice, nekoliko kantonalnih skupština sazvano, to znači da se počelo sa poslom. Sazivanje ove sjednice Skupštine je jedan od prvih koraka u implementaciji rezultata izbora. Ja sam sigurna da će kako ovdje tako i u drugim krajevima zemlje ova implementacija teći kroz dijalog i na miran i na demokratski način, zato mi je zadovoljstvo da danas imam priliku da budem ovdje s vama, neke od vas sam već upoznala, a sa mnogima ću imati zadovoljstvo saradivati u budućnosti. Sada bih željela da čestitam svim novoizabranim poslanicima a posebne čestitke za 9 dama koje su izabrane ovaj put u Skupštinu. One su naime sada tri puta brojnije nego 1996. godine. Mislim da izbor znači činjenicu da žene treba da predstavljaju većinu glasača u ovoj zemlji. Također, to je priznanje da je veći nivo demokratije u onom društvu u kome žene više učestvuju u donošenju odluka i u cijelom procesu vlasti. Kažem da je to viši nivo demokratije jer mislim da je zaista demokratsko i zaista građansko društvo u kome i muškarci i žene na podjednak način učestvuju u procesima izvršavanja vlasti. Na taj način se i u skupštinskim tijelima izražava raznolikost koja postoji u društvu, pa bih ja još jednom čestitala zastupnicima koji su izabrani. Željela bih da iskoristim ovu priliku i da podvučem da je jedan od najvećih uspjeha ovog skupštinskog tijela bio taj što je mnoge odluke koje su ovdje donešene bile donesene konsenzusom. Nadam se da će se takva praksa usvajanja odluka konsenzusom nastaviti i u budućnosti, pošto se to pokazalo kao vrlo dobro za progres cijelog ovog Kantona. Ubijedena sam da ćete vi odlučno raditi na donošenju i provođenju odluka i da će od toga koristiti imati cijeli Kanton. Stoga iskrene čestitke svima vama uz želju za uspješno provođenje vaših mandata. Hvala lijepa.”

Treći saziv Skupštine Tuzlansko-podrinjskog kantona je brojao ukupno 50 poslanika, od kojih je 26 pripadalo Koaliciji za cjelovitu i demokratsku Bosnu i Hercegovinu, 10 - SDP Socijaldemokratska partija BiH, 9 - Socijaldemokrati BiH, 2 - HDZ BiH (Hrvatska demokratska zajednica BiH), 1- Demokratska stranka penzionera, 1 - NHI - HKDU (Nova hrvatska inicijativa - HKDU) i 1 - BOSS (Bosanska stranka).

Po nacionalnoj pripadnosti 37 poslanika se izjasnilo kao Bošnjaci, 4 kao Bosanci, 7 kao Hrvati i 2 kao Srbi.

Novoizabrani poslanici su dali i potpisali svečanu izjavu.

## POSLANICI TREĆEG SAZIVA SKUPŠTINE TUZLANSKO-PODRINJSKOG KANTONA



**RAMIZ VILIĆ**

Rođen: 1.2.1942. g. u Tuzli.  
Stručna sprema: VSS  
Zanimanje: dipl. ing. rudarstva  
Nacionalnost: Bošnjak  
Stranačka pripadnost: SDA - KCD



**SALETA SUBAŠIĆ**

Rođena: 15.5.1957. g. u Kladnju,  
nastanjena u Gradačcu.  
Stručna sprema: VŠS  
Zanimanje: nastavnik bos.jezika  
Nacionalnost: Bošnjakinja  
Stranačka pripadnost: SDA - KCD



**HAZIM VIKALO**

Rođen: 29.11.1960. g. u Sladni,  
općina Srebrenik.  
Stručna sprema: VSS  
Zanimanje: dipl. ing. elektrotehnike  
Nacionalnost: Bošnjak  
Stranačka pripadnost: SDA - KCD



**IZET ŽIGIĆ**

Rođen: 13.4.1956. g. u Bistarcu,  
općina Lukavac, nastanjen u Tuzli.  
Stručna sprema: VSS  
Zanimanje: doktor tehničkih nauka  
Nacionalnost: Bošnjak  
Stranačka pripadnost: S BiH - KCD



**SEAD HASANHODŽIĆ**

Rođen: 1.1.1956. g. u Tabacima,  
općina Lukavac.  
Stručna sprema: VSS  
Zanimanje: dipl. pravnik  
Nacionalnost: Bošnjak  
Stranačka pripadnost: SDA - KCD



**MIRZA ZUKANOVIĆ**

Rođen: 4.2.1949. g. u Višćima, općina  
Čapljina, nastanjen u Živinicama.  
Stručna sprema: VŠS  
Zanimanje: nastavnik historije i geo.  
Nacionalnost: Bošnjak  
Stranačka pripadnost: GDS BiH - KCD



**FUAD HADŽIAUDIĆ**

Rođen: 22.10.1940. g. u Gornjoj  
Tuzli, općina Tuzla.  
Stručna sprema: VSS  
Zanimanje: prof. odbrane i zaštite  
Nacionalnost: Bošnjak  
Stranačka pripadnost: SDA - KCD



**SPOMENKA MIČIĆ**

Rođena: 24.5.1949. g. u  
Gradačcu, nastanjena u Tuzli.  
Stručna sprema: VSS  
Zanimanje: dipl. polit.-urbosociolog  
Nacionalnost: Srkinja-Bosanka  
Stranačka pripadnost: S BiH - KCD




**ENISA ŽUNIĆ**

Rođena: 16.2.1958. g. u  
Travniku, nastanjena u Tuzli.  
Stručna sprema: VSS  
Zanimanje: dipl. bibliotekar i dipl.  
komparativista  
Nacionalnost: Bošnjakinja  
Stranačka pripadnost: SDA - KCD



**ĐULAGA MUJAGIĆ**

Rođen: 6.7.1938. g. u Kovačima, općina Živinice.  
Stručna sprema: VSS  
Zanimanje: specijalista pravnih nauka  
Nacionalnost: Bošnjak  
Stranačka pripadnost: S BiH - KCD



**ŠABAN ČASUROVIĆ**

Rođen: 26.6.1954. g. u Tupkovićima, općina Živinice.  
Stručna sprema: SSS  
Zanimanje: upravni tehničar  
Nacionalnost: Bošnjak  
Stranačka pripadnost: SDA - KCD




**SALIM BAŠIĆ**

Rođen: 5.5.1967. g. u Maoči, općina Brčko.  
Stručna sprema: VSS  
Zanimanje: dipl. ecc.  
Nacionalnost: Bošnjak  
Stranačka pripadnost: SDA - KCD



**MIRSAD KUKIĆ**

Rođen: 27.4.1958. g. u Banovićima.  
Stručna sprema: VSS  
Zanimanje: dipl. ing. rudarstva  
Nacionalnost: Bošnjak  
Stranačka pripadnost: SDA - KCD



**HAMZALIJA IBRIĆ**

Rođen: 1.1.1957. g. u Srebreniku.  
Stručna sprema: SSS  
Zanimanje: kv. vozač  
Nacionalnost: Bošnjak  
Stranačka pripadnost: S BiH - KCD



**NIJAZ KUDUMOVIĆ**

Rođen: 1.2.1952. g. u Ribnici, općina Banovići.  
Stručna sprema: VSS  
Zanimanje: dipl. ing. mašinstva  
Nacionalnost: Bošnjak  
Stranačka pripadnost: S BiH - KCD



**HAZIM HADŽIĆ**

Rođen: 6.5.1952. g. u Srebreniku.  
Stručna sprema: VSS  
Zanimanje: profesor orijentalistike  
Nacionalnost: Bošnjak  
Stranačka pripadnost: SDA - KCD



**ENVER JUKANOVIĆ**

Rođen: 9.3.1960. g. u Tuzli, nastanjen u Kalesiji.  
Stručna sprema: VŠS  
Zanimanje: inženjer tehnolog  
Nacionalnost: Bošnjak  
Stranačka pripadnost: SDA - KCD



**SALIH KULENOVIĆ**

Rođen: 30.8.1944. g. u Jajcu, nastanjen u Tuzli.  
Stručna sprema: VSS  
Zanimanje: doktor etnoloških nauka  
Nacionalnost: Bošnjak  
Stranačka pripadnost: SDA - KCD



**NUSRET HAMIDOVIĆ**

Rođen: 6.2.1961. g. u Međedi,  
općina Zvornik.  
Stručna sprema: VŠS  
Zanimanje: inženjer mašinstva  
Nacionalnost: Bošnjak  
Stranačka pripadnost: SDA - KCD



**TAIB MUMINOVIĆ**

Rođen: 19.10.1964. g. u  
Teočaku.  
Stručna sprema: VSS  
Zanimanje: dipl. ing. rudarstva  
Nacionalnost: Bošnjak  
Stranačka pripadnost: SDA - KCD



**EDIB KRAVIĆ**

Rođen: 28.2.1954. g. u Trebinju,  
nastanjen u Tuzli.  
Stručna sprema: VSS  
Zanimanje: dipl. ing. tehnolog  
Nacionalnost: Bošnjak  
Stranačka pripadnost: SDA - KCD



**AMIR KOČIĆ**

Rođen: 4.7.1966. g. u Vražićima,  
općina Čelić.  
Stručna sprema: VSS  
Zanimanje: doktor medicine  
Nacionalnost: Bošnjak  
Stranačka pripadnost: SDA - KCD



**SADIK ČAMDŽIĆ**

Rođen: 25.1.1941. g. u Kladnju.  
Stručna sprema: VŠS  
Zanimanje: ekonomista  
Nacionalnost: Bošnjak  
Stranačka pripadnost: SDA - KCD



**ŠEVAL DAUTOVIĆ**

Rođen: 27.10.1954. g. u  
Gnojnici, općina Lukavac.  
Stručna sprema: VSS  
Zanimanje: dipl. ecc.  
Nacionalnost: Bošnjak  
Stranačka pripadnost: SDA - KCD



**BESNIK ISMAILI**

Rođen: 29.10.1972. g. u Tetovu,  
nastanjen u Tuzli.  
Stručna sprema: SSS  
Zanimanje: privatni poduzetnik  
Nacionalnost: Bošnjak  
Stranačka pripadnost: S BiH - KCD



**DŽEMAL MUJIĆ**

Rođen: 5.10.1944. g. u Mionici,  
općina Gradačac.  
Stručna sprema: VŠS  
Zanimanje: ecc-komercijalista  
Nacionalnost: Bošnjak  
Stranačka pripadnost: S BiH - KCD



**SEAD AVDIĆ**

Rođen: 2.5.1944. g. u Gračanici,  
nastanjen u Tuzli.  
Stručna sprema: VSS  
Zanimanje: prof. dr. mašinstva  
Nacionalnost: Bošnjak  
Stranačka pripadnost: SDP



**AID HASANAGIĆ**

Rođen: 2.10.1966. g. u Tuzli,  
nastanjen u Živicama.  
Stručna sprema: SSS  
Zanimanje: rudarski tehničar  
Nacionalnost: Bošnjak  
Stranačka pripadnost: SDP



**SANJA ERCEGOVIĆ**

Rođena: 14.10.1964. g. u Tuzli.  
Stručna sprema: VSS  
Zanimanje: doktor medicine  
Nacionalnost: Hrvatica  
Stranačka pripadnost: SDP



**EDHEM MUFTIĆ**

Rođen: 15.9.1944. g. u  
Gračanici, nastanjen u Lukavcu.  
Stručna sprema: VSS  
Zanimanje: mr. socioloških nauka  
Nacionalnost: Bošnjak  
Stranačka pripadnost: SDP



**ZLATKO DUKIĆ**

Rođen: 28.11.1951. g. u Osijeku,  
nastanjen u Tuzli.  
Stručna sprema: VSS  
Zanimanje: novinar  
Nacionalnost: Bošnjak  
Stranačka pripadnost: SDP



**ALEKSANDRA ANDRIĆ**

Rođena: 26.12.1977. g. u  
Sarajevu, nastanjena u Tuzli.  
Stručna sprema: SSS  
Zanimanje: student  
Nacionalnost: Bosanka  
Stranačka pripadnost: SDP



**TOMO VIDOVIĆ**

Rođen: 6.3.1952. g. u  
Ljepunicama, općina Tuzla.  
Stručna sprema: VSS  
Zanimanje: prof. sociologije  
Nacionalnost: Hrvat  
Stranačka pripadnost: SDP



**KASIM BRIGIĆ**

Rođen: 2.1.1950. g. u Grivicama,  
općina Banovići.  
Stručna sprema: VSS  
Zanimanje: spec. neuropsihijatar  
Nacionalnost: Bošnjak  
Stranačka pripadnost: SDP



**MINA MAŠIĆ**

Rođena: 13.1.1961. g. u  
Gradačcu.  
Stručna sprema: VŠŠ  
Zanimanje: ecc.-samost.računovođa  
Nacionalnost: Bošnjakinja  
Stranačka pripadnost: SDP



**ESAD ATIĆ**

Rođen: 20. 6. 1963. g. u Palanci,  
općina Brčko.  
Stručna sprema: VSS  
Zanimanje: dipl.ing.preh.tehnologije  
Nacionalnost: Bošnjak  
Stranačka pripadnost: SDP



**SELIM BEŠLAGIĆ**

Rođen: 23.2.1942. g. u Tuzli.  
Stručna sprema: VSS  
Zanimanje: mr. tehnoloških nauka  
Nacionalnost: Bošnjak  
Stranačka pripadnost: SD -  
Socijaldemokrati BiH



**RAFO JOZIĆ**

Rođen: 19.7.1950. g. u Tuzli.  
Stručna sprema: VSS  
Zanimanje: dipl. ing. elektrotehnike  
Nacionalnost: Hrvat  
Stranačka pripadnost: SD -  
Socijaldemokrati BiH



**MEDIHA BAKALOVIĆ**

Rođena: 10.9.1952. g. u Tuzli.  
Stručna sprema: VSS  
Zanimanje: dipl. pravnik-advokat  
Nacionalnost: Bošnjakinja  
Stranačka pripadnost: SD -  
Socijaldemokrati BiH



**JASMIN IMAMOVIĆ**

Rođen: 8.10.1957. g. u Brčkom,  
nastanjen u Tuzli.  
Stručna sprema: VSS  
Zanimanje: dipl. pravnik  
Nacionalnost: Bošnjak  
Stranačka pripadnost: SD -  
Socijaldemokrati BiH



**IGOR RAJNER**

Rođen: 5.4.1949. g. u Sarajevu,  
nastanjen u Tuzli.  
Stručna sprema: VSS  
Zanimanje: dipl. politolog  
Nacionalnost: Bosanac  
Stranačka pripadnost: SD -  
Socijaldemokrati BiH



**DRAGAN TOMIĆ**

Rođen: 1.9.1945. g. u Donjem  
Bistarcu, općina Lukavac.  
Stručna sprema: VSS  
Zanimanje: dipl. ing. rudarstva  
Nacionalnost: Hrvat  
Stranačka pripadnost: SD -  
Socijaldemokrati BiH



**MEVLIDA KUNOSIĆ-VLAJIĆ**

Rođena: 18.8.1952. g. u Dobrnji,  
općina Tuzla.  
Stručna sprema: VSS  
Zanimanje: dr. hemijskog ing.  
Nacionalnost: Bosanka  
Stranačka pripadnost: SD -  
Socijaldemokrati BiH



**ESAD KITIĆ**

Rođen: 30.3.1958. g. u Živnicama.  
Stručna sprema: VSS  
Zanimanje: profesor odbrane i  
bezbjednosti  
Nacionalnost: Bošnjak  
Stranačka pripadnost: SD -  
Socijaldemokrati BiH



**ŽIVKA KURTIĆ**

Rođena: 13.12.1955. g. u  
Loparama, nastanjena u Banovićima.  
Stručna sprema: SSS  
Zanimanje: ekonomski tehničar  
Nacionalnost: Srkinja  
Stranačka pripadnost: SD -  
Socijaldemokrati



**IVO ANDRIĆ LUŽANSKI**

Rođen: 3.4.1956. g. u Živinicama.  
Stručna sprema: VŠS  
Zanimanje: profesor  
Nacionalnost: Hrvat  
Stranačka pripadnost: HDZ



**MARKO AMIDŽIĆ**

Rođen: 13.11.1949. g. u  
D.Hrgovima, općina Gradačac,  
nastanjen u Brčkom.  
Stručna sprema: VSS  
Zanimanje: dipl. ing. org. rada  
Nacionalnost: Hrvat  
Stranačka pripadnost: HDZ



**ANTE ZVONAR**

Rođen: 6.11.1947. g. u Kolu, općina  
Tomislavgrad, nastanjen u Tuzli.  
Stručna sprema: VŠS  
Zanimanje: inženjer tehnolog  
Nacionalnost: Hrvat  
Stranačka pripadnost: NHI



**MULAGA HODŽIĆ**

Rođen: 3.1.1934. g. u Bokavićima,  
općina Lukavac.  
Stručna sprema: VŠS  
Zanimanje: ing. sigurnosti - penzioner  
Nacionalnost: Bosanac  
Stranačka pripadnost: DS penzionera



**MUAMER DEDIĆ**

Rođen: 28.6.1972. g. u Tuzli.  
Stručna sprema: NK  
Zanimanje: /  
Nacionalnost: Bošnjak  
Stranačka pripadnost: BOSS



**MIHAD SAKIĆ**

Rođen: 19.4.1961. g. u Lukavcu.  
Stručna sprema: SSS  
Zanimanje: student  
Nacionalnost: Bošnjak  
Stranačka pripadnost: LS - KCD



**ŠEVKIJA DUVNJAKOVIĆ**

Rođen: 21.5.1956. g. u Zagorju,  
općina Lukavac.  
Stručna sprema: VSS  
Zanimanje: dipl. ing. informatike  
Nacionalnost: Bošnjak  
Stranačka pripadnost: S BiH KCD



**RASEMA HAMZIĆ**

Rođena: 16.5.1951. g. u  
Srebreniku, nastanjena u Kalesiji.  
Stručna sprema: SSS  
Zanimanje: ekonomski tehničar  
Nacionalnost: Bošnjakinja  
Stranačka pripadnost: SDA - KCD



**MEHMED MEHINOVIĆ**

Rođen: 8.5.1956. g. u Brijesnici,  
općina Doboj - Istok.  
Stručna sprema: VSS  
Zanimanje: dipl. ecc.  
Nacionalnost: Bošnjak  
Stranačka pripadnost: SDA - KCD





### **BESIM IMAMOVIĆ**

Rođen: 2.2.1970. g. u Tarevu,  
općina Kladanj.  
Stručna sprema: VSS  
Zanimanje: dipl. ing. elektrotehnike  
Nacionalnost: Bošnjak  
Stranačka pripadnost: S BiH - KCD

Na sjednici Skupštine Tuzlansko-podrinjskog kantona od 10. 12. 1998. godine prestao je mandat poslaniku HAZIMU VIKALU iz Gračanice, a verificovan je mandat poslanika Skupštine Tuzlansko-podrinjskog kantona MIHADU SAKIĆU iz Lukavca.

Na sjednici Skupštine Tuzlansko-podrinjskog kantona od 29. 2. 2000. godine poslaniku RAMIZU VILIĆU iz Tuzle prestao je mandat poslanika Skupštine a verificovan je mandat poslaniku ŠEVKIJI DUVNJAKOVIĆU iz Lukavca.

Na sjednici Skupštine Tuzlansko-podrinjskog kantona od 26. 4. 2000. godine poslaniku ŠEVALU DAUTOVIĆU iz Lukavca prestao je mandat poslanika Skupštine a verificovan je mandat poslaniku RASEMI HAMZIĆ iz Srebrenika.

Na sjednici Skupštine Tuzlansko-podrinjskog kantona od 30. 5. 2000. godine prestao je mandat poslaniku EDIBU KRAVIĆU iz Tuzle i MIRSADU KUKIĆU iz Banovića a na istoj sjednici MEHMEDU MEHINOVIĆU iz Doboj - Istoka i BESIMU IMAMOVIĆU iz Kladnja verificovan je mandat poslanika Skupštine Tuzlansko-podrinjskog kantona.

### 7.3. Delegati u Domu naroda Parlamenta FBiH

Shodno zaključku sa sastanka predstavnika političkih stranaka od 23. 10. 1998. godine, u Skupštinu su pristigli prijedlozi kandidata za izbor privremenih članova Komisije za izbor i imenovanja, te su u sastav Komisije predloženi:

1. Salih Kulenović - za predsjednika,
2. Mirsad Kukić,
3. Hazim Hadžić,
4. Hamzalija Ibrić,
5. Kasim Brigić,
6. Rafo Jozić i
7. Muamer Dedić - za članove.

Skupština je jednoglasno izabrala Privremenu komisiju za izbor i imenovanja.

Predsjednik Privremene komisije za izbor i imenovanja Salih Kulenović je upoznao prisutne da je u dopisu OHR-a predviđeno da se za delegata u Dom naroda Parlamenta Federacije Bosne i Hercegovine izabere 5 delegata iz reda Bošnjaka (i to 3 iz Koalicije za cjelovitu i demokratsku Bosnu i Hercegovinu, 1 iz SDP i 1 iz SD), 2 iz reda Hrvata (i to iz HDZ) i 3 iz reda ostalih (i to 2 delegata iz SD i 1 delegat SDP-a). Tad je istaknuo da je ova raspodjela konačna, te da nije otvorena za pregovore. Nakon iznesenog, predsjednik Komisije je konstatovao da su uz 1 glas *protiv* za delegate u Dom naroda Parlamenta Federacije Bosne i Hercegovine, izabrani:

#### A. - *Iz reda Bošnjaka:*

1. Salih Kulenović
2. Salim Bašić,
3. Izet Žigić,
4. Selim Bešlagić,
5. Sead Avdić.

#### B. - *Iz reda Hrvata:*

1. Ivo Andrić Lužanski,
2. Marko Amidžić.

#### C. - *Iz reda ostalih:*

1. Igor Rajner,
2. Mevlida Kunosić-Vlajić,
3. Aleksandra Andrić.